



Universitätsbibliothek Paderborn

S. Avrel. Avgvstini Confessionvm Libri X

Augustinus, Aurelius

Coloniae, 1646

Liber X. Ostendit, quibus ad Dei cognitionem gradibus concenderit, eum inveniri in memoria, cuius mirabilem vim luculenter describit; in Deo sole esse veram beatitudinem, quam omnes appetunt, etsi ...

urn:nbn:de:hbz:466:1-10120

LIBER X.

Ostendit, quibus ad Dei cognitionem gradibus conscenderit; eum inveniri in memoria, cuius mirabilem vim luculenter describit; in Deo solo esse veram beatitudinem, quam omnes appetunt, et si non omnes legitimis eam querant mediis. Tum statim presentem animi sui aperit, & languores triclicis concupiscentiarum.

C A P. I.

In sola spe gratiae divinae gaudendum.



Ognoscam te Domine cognitor meus, cognoscam te, sicut à te cognitus sum. Virtus animæ meæ intra in eam, & coaptata tibi, ut habeas & possideas sine macula & ruga. Hæc est mea spes, ideo loquor & in ea spe gaudeo, quando sane gaudeo. Cætera vero vitæ hujus tanto minus flenda, quanto magis fletur, & tanto magis flenda, quanto minus fletur in eis. Ecce enim veritatem dilexisti! quoniam qui Psal. 50. 3. facit eam, venit ad lucem. Volo eam facere in corde meo, coram te in confessione, in stylo autem meo coram multis testibus.

V S V S.

V S V S.

Sola spes bonæ conscientiæ sperantis se esse sine
macula peccati mortalis, verum gaudium parit.
Res vero aliæ, cum ad salutem nihil sine gratia
Dei conferant, nec gaudium afferre possunt so-
lidum, cum habentur, nec dolorem debent, cum
amittuntur.

C A P. II.

*Deo nihil esse occultum, ei se confiteri, ut
erubescat de se, & abjiciat se, illum vero
eligat.*

1. **E**T tibi quidem Domine, cuius oculis
nuda est abyssus humanæ conscienc-
tiæ, quid occultum esset in me, etiamsi nol-
lem confiteri tibi? Te enim mihi abscon-
derem, non me tibi. Nunc autem, quod ge-
mitus meus testis est, displicere me mihi, tu
refulges, & places, & amaris, & desidera-
ris, ut erubescam de me, & abjiciam me,
atque eligam te, & nec tibi, nec mihi pla-
ceam, nisi de te.

2. Tibi ergo Domine manifestus sum.
quicunque sim, & quo fructu tibi confitear,
dixi. Neque enim id ago verbis carnis & vo-
cibus, sed verbis animæ & clamore cogita-
tionis, quem novit auris tua. Cum enim
malus sum, nihil est aliud confiteri tibi,
quam displicere mihi. Cum vero pius, ni-
hil est aliud confiteri tibi, quam hoc non
tribuere mihi: quoniam tu Domine bene-
dicis justum sed prius eum justificas impi-
um. Confessio itaque mea Deus meus in
conspectu tuo tibi tacite fit, & non tacite;
tacet

tacet enim strepitu, clamat affectu. Neque enim dico recti aliquid hominibus, quod non à me tu prius audieris, aut etiam tu aliquid tale audis à me, quod non prius mihi tu dixeris.

N O T A E.

- a *Te enim mihi absconderem, non me tibi qui peccata sua Deo occultare conatur, intellectum suum obscurat, ne Deum cognoscere, & gratia ejus illustrari possit, quare sibi Deum, non se Deo abscondit.*

V S V S.

Solidæ humilitatis principium hoc est; *in malis sibi displicere tanquam suis, in bonis Deo gratias agere, tanquam alienis* quia ab ipso est omne bonum nostrum. Valdeque cavendum est, ne qui in virtute proficit, sibi de profectu vane placeat.

C A P. III.

Confessum se coram hominibus, quis fuerit, & præterita mala sua, ut infirmi extentur ad spem misericordiae.

I. a **Q**uid mihi ergo est cum hominibus, ut audiant confessiones meas, quasi ipsi sanaturi sint omnes languores meos? Curiosum genus ad cognoscendam vitam alienam, desidiosum ad corrigendam suam. Quid à me quærunt audire, qui sim, qui nolunt à te audire, qui sunt? Et unde sciunt, cum à meipso de meipso audiunt, an verum dicam, quandoquidem nemo scit *hominum, quid agatur in homine, nisi spiritus hominis, qui in ipso est?* Si autem à te audiant de scipis, non poterunt dicere: mentitur domi-

¹ Cor. 2,
11.

minus. Quid est enim à te audire de se, nisi cognoscere se? Quis porro cognoscit, & dicit: falsum est, nisi ipse mentiatur? Sed quia

^v Cor. 13. 7. caritas omnia credit, inter eos utique, quos connexos sibimet unum facit, ego quoque Domine etiam sic tibi confiteor: ut audiant homines, quibus demonstrare non possum, an vera confitear: sed credunt mihi, quorum mihi aures caritas aperit.

2. Veruntamen tu medice meus intime, quo fructu ista faciam, aliqua mihi. Nam confessiones præteriorum malorum meorum, quæ remisisti & texisti, ut beares me in te, mutans animam meam fide & sacramento tuo: cum leguntur & audiuntur, excitant cor, ne dormiat in desperatione, & dicat, non possum: sed evigilet in amore misericordiæ tuæ, & dulcedine gratiæ tuæ, qua potens est omnis infirmus, qui sibi per ipsam fit conscientia infirmitatis suæ. Et delectat bonos audire præterita mala eorum, qui jam carent eis: nec ideo delectat, quia mala sunt, sed quia fuerunt, & non sunt.

3. Quo itaque fructu Domine Deus meus, cui quotidie confitetur conscientia mea, spe misericordiæ tuæ securior, quam innocentia sua, quo fructu quæso, etiam hominibus coram te confiteor per has literas, adhuc quis ego sim, non quis fuerim? Nam illum fructum vidi, & commemoravi. Sed quis adhuc sim, ecce in ipso tempore confessionum mearum, & multi hoc nosse cupiunt, qui me neverunt, & non me noviunt: qui ex me, vel de me aliquid audierunt, sed auris eorum, non ad cor meum, ubi ego sum, quicunque sum. Volunt ergo audi-

audire confidentem me, quid ipse intus sim,
quo nec oculum, nec aurem, nec mentem
possunt intendere, credituri tamen volunt,
nunquid cognituri? Dicit enim eis caritas,
qua boni sunt, non mentiri me de me con-
fidentem, & ipsa in eis credit mihi.

N O T A E.

2. *Quid mihi ergo est cum hominibus &c.)* hæc verba
citat Brentius in Confessione Wirtebergensi,
contra Confessionem Sacramentalem Catholi-
corum, quasi senserit S. D. per eam non posse sa-
nari languores peccatorum. Sed hoc est simplici-
bus imponere, non enim loquitur S. D. in his
libris, ut omnes norunt, de Confessione pecca-
torum post baptismum commissorum, quæ ne-
cessaria est ad salutem, secundum veram & Ca-
tholicam ipsius Augustini sententiam, sed de
Confessione voluntaria peccatorum, quæ ante
Baptismum commissa, & per illum dimissa sunt.
Hanc S. D. confessionem publice fecit in his li-
bris, ut infirmi suo exemplo excitarentur ad
spem misericordiæ. Quod si quasdem culpas post
baptismum à se patrari solitas recenset, eæ levissi-
mæ sunt & veniales: quibus expiandis etiæ Sa-
cramentum Confessionis conducat, non est ta-
men necessarium.

V S V S.

- I. Est caritatis Christianæ, non facile suspicari
subesse falsum dictis aliorum, quos semper pre-
stat æstimare bonos esse, adeoque & veraces,
quam malos & mendaces. Plus enim placet Deo
pia credulitas, quam pro sit temeraria de aliis
suspicio.
2. Qui gravibus peccatis obnoxii sunt, aut ma-
gnam in superandis vitiis difficultatem sentiunt,
legant Confessiones Augustini, & cognitis gra-
vissimis ejus peccatis, in quibus ab ipsa pueritia
usque ad trigesimum annum pertinaciter hæsit,
concipiant & ipsi spem veniæ. Nec dicant non pos-
sum, potuit Augustinus cum divina gratia, poteris.
& tu, modo intelligas, te non posse per te.

C A P.

C A P. IV.

*Confiteri se quoque quis jam sit, ut servi Dei
fratres sui, respirent in bonis suis, suspi-
rent in malis suis, Deumque pro se lau-
dent ac oreant.*

1. **S**ed quo fructu id volunt? An congra-
tulari mihi cupiunt, cum audierint,
quantum ad te accedam munere tuo, & ora-
re pro me, cum audierint, quantum retar-
der pondere meo? Indicabo me talibus.
Non enim parvus est fructus Deus meus, ut
à multis tibi gratiæ agantur de nobis, & à
multis rogeris pro nobis. Amet in me fra-
ternus animus, quod amandum doces, &
dolet in me, quod dolendum doces. Ani-
mus ille hoc faciat fraternus, non extra-
neus, non filiorum alienorum, quorum os lo-
6, 9. *icutum est vanitatem, & dextera eorum dextera ini-
quitatis: sed fraternus ille, qui cum approbat
me, gaudet de me. Cum autem improbat
me, contrastatur pro me, quia sive appro-
bat me, sive improbet, diligit me. Indicabo
me talibus: respirent in bonis meis, suspi-
rent in malis meis. Bona mea, instituta tua
sunt, & dona tua: a mala mea, delicta mea
sunt, & judicia tua. Respirent in illis, suspi-
rent in his. Et hymnus & fletus ascendant
in conspectum tuum, de fraternis cordibus
b thuribulis tuis.*

2. Tu autem Domine delectatus odore
psal. 50, 2. sancti templi tui, miserere mei secundum magnam
misericordiam tuam, propter nomen tuum, &
nequaquam deserens coepia tua, consumma
im-

imperfecta mea. Hic est fructus confessio-
num mearum , non qualis fuerim , sed
qualis sim , ut hoc confitear , non tantum
coram te secreta exultatione cum tremore,
& secreto mœrore cum spe : sed etiam in
auribus credentium filiorum hominum &
sociorum gaudii mei , & consortium mor-
talitatis meæ , civium meorum , & mecum
peregrinorum, præcedentium, & consequen-
tium , & comitum vitæ meæ.

3. Hi sunt servi tui fratres mei , quos
filios tuos esse voluisti , dominos meos
et quibus iussisti , ut serviam , si volo tecum
de te vivere. Et hoc mihi Verbum tuum pa-
rum erat , si loquendo præciperet , nisi & fa-
ciendo præiret. Et ego id ago factis & dictis,
id ago sub alis tuis , nimis cum ingenti peri-
culo : nisi quia sub alis tuis tibi subdita est
anima mea , & infirmitas mea tibi nota est.
Parvulus sum , sed vivit semper pater meus ,
& idoneus est mihi tutor meus. Idem ipse
est enim , qui genuit me , & tuetur me , &
tu ipse es omnia bona mea , tu omnipotens ,
qui mecum es , & priusquam tecum sim. In-
dicabo ergo talibus , qualibus jubes , ut ser-
viam , non quis fuerim , sed quis jam sim ,
& quis adhuc sim. Sed neque meipsum di-
judico. Sic itaque audiat.

N O T A E.

a *Mala mea delicta mea sunt , & iudicia tua } quia
Deus justo iudicio etiam amicos suos & filios
permittit cadere septies , hæc enim infirmitas
pars poenæ est filiorum Adam , & simul humili- Prog. 24,
tatis admonitio ac exercitatio. 16.*

b *Thuribulis tuis } pulchre corda justorum appellat
Dei thuribula; in his enim adolentur Deo pii af-
fectus bonæ voluntatis.*

c *Qui*

360 S. AVR. AVGVST. CONFES.

Luc. 22. c. *Quibus iustisti, ut serviam*) Memor fuit S. D. in Episcopatu illius præcepti, qui major est in vobis, fiat sicut minor, & qui præcessor est, sicut ministrator, ideoque non imperabat, sed ministrabat Clericis & Civibus suis Hipponensibus, quibus præterat.

V S V S.

- I.** Confiteri aliis bona sua aut mala, ad Deigloriam, & proximi utilitatem, laudabile est, & à S.D. præmonstratum; qui fructum sperat, idem facere poterit, prout res feret.
2. *Pet. 3.* Discant Episcopi exemplo S. D. non dominari in cleris, sed ministrare, & periculum officii sui sæpe expendant.

C A P. V.

Deum nosse omnia, quæ sunt in homine, eum violari non posse, id se scire: de se autem nescire, quibus temptationibus valeat resistere.

I. **T** *Venim Domine dijudicas me, quia et si nemo scit hominum; quæ sunt hominis, nisi spiritus hominis, qui in ipso est, a tamen est aliquid hominis, quod nec ipse scit spiritus hominis, qui in ipso est. Tu autem scis ejus omnia, qui fecisti eum. Ego vero quamvis præ tuo conspectu me despiciam, & aestimem me terram & cinerem, tamen aliquid de te scio, quod de me nescio. Et certe nunc videmus per speculum in enigmate, nondum facie ad faciem. Et ideo quamdiu peregrinor ab te, b mihi sum præsentior quam tibi: & tamen te novi nullo modo posse violari. Ego vero quibus temptationibus resistere valeam, quibusve non valeam, nescio.*

2. Et

D. in
vobis,
rator,
eritis
erat.

glo-
& à
idem

rinari
ii sui

ine,
au-
ileat

quia
inīs,
n est
ritus
ejus
mvis
æsti-
quid
nunc
facie
r abs
x ta-
Ego
ciam,

. Et

2. Et spes est, quia fidelis es, qui nos non finis ^{1 Cor. 10,}
tentari supra, quam possumus ferre, sed facis cum ten- ^{13.}
tatione etiam exitum, ut possimus sustinere.
Confitear ergo, quid de me sciam: confi-
tear, & quid de me nesciam. Quoniam, &
quod de me scio, te mihi lucente scio, &
quod de me nescio, tamdiu nescio, donec
fiant tenebrae meæ, sicut meridies in vultu
tuo.

N O T A.

- a Tamen est aliquid hominis) Hoc est, quod nescit ho- ^{Eccl. 9. 5.}
mo, an odio vel amore dignus sit, sive utrum sit in
statu damnationis vel gratiae. Imo nec cogita-
tiones & affectus suos novit, inde scrupuli, &
perplexitas in rebus plurimis, an hoc sit factum
vel cogitatum, quo animo, quo fine, qua deli-
beratione. Quæ omnia Deus in numerato habet,
non minus quam capillos capit is.
- b Mihi sum præsentior quam tibi) quoad cognitionem
& attentionem; nobis enim utcunque per expe-
timentalem notitiam noti sumus, & ipso amo-
re nostri urgemur in frequentem nostri cogita-
tionem. Deus autem puritate sua, phantasmata
corporea quibus utimur in hac vita terrenosque
affectus longe transcendit, ideoque obscure so-
lum, & raro de illo cogitamus.

V S V S.

Tristis illa est ignorantia & merito affigit, quod
nesciamus, an perseverantiæ dono Deus nos
bearit, adversus omnia tentationum genera. Sed
pugnemus alacriter, fidelis est Deus.



C A P.

C A P. VI.

*Certa conscientia Deum à se amari, dulcem
supra omne id, quod est sensibile, de eo sibi
creaturas corporeas usque ad meliorem ius
animam, respondisse singulas: Non sum
Deus, idemque respondere omnibus recte
judicantibus.*

1. a **N**on dubia, sed certa conscientia,
Domine amo te. Percussisti cor me-
um verbo tuo, & amavi te. b Sed & cælum,
& terra, & omnia, quæ in eis sunt, undi-
que mihi dicunt, ut te amem! nec cessant
dicere omnibus, ut sint inexcusabiles. Al-
tius autem tu misereberis, cui misertus eris,
& misericordiam præstabis, cui misericors
fueris. Alioquin cœlum & terra, c surdis lo-
quuntur laudes tuas. Quid autem amo, cum
te amo? Non speciem corporis, nec decus
temporis, non candorem lucis ecce istis
amicum oculis! non dulces melodias can-
tilenarum omnimodarum; non florum &
unguentorum & aromatum suaveolentiam,
non manna & melia; non membra accepta-
bilia carnis amplexibus.

2. Non hæc amo, cum amo Deum meum,
& tamen amo quandam lucem, & quandam
vocem, & quandam odorem, & quandam
cibum, & quandam amplexum, cum amo
Deum meum, lucem, vocem, odorem, ci-
bum, amplexum interioris hominis mei:
ubi fulget animæ meæ, quod non capit lo-
cus; & ubi sonat, quod non rapit tempus;
& ubi olet, quod non spargit fatus, & ubi
fa-

sapit, quod non minuit edacitas; & ubi hæret, quod non divellit satietas. Hoc est quod amo, cum Deum meum amo. Et quid est hoc? Interrogavi terram, & dixit: Non sum, & quæcunque in eadem sunt, idem confessa sunt. Interrogavi mare, & abyssos, & reptilia animarum vivarum, & responderunt: Non sumus Deus tuus, quare super nos. Interrogavi auras flabiles, & inquit universus aër cum incolis suis: *d* fallitur Anaximenes, non sum Deus. Interrogavi cœlum, solem, lunam & stellas, neque nos sumus Deus, quem quæratis, inquiunt.

3. Et dixi omnibus his, quæ circumstant fores carnis meæ: Dixistis mihi de Deo meo, quod vos non estis, dicite mihi de illo aliquid. Ex exclamaverunt voce magna; Ipse fecit nos. *e* interrogatio mea, intentio mea, & *f* responsio eorum, species eorum. Et direxi me ad me, & dixi mihi: Tu quis es? Et respondi, Homo. Et ecce corpus & anima in me mihi præsto sunt, unum exterius & alterum interius! Quid horum est, unde quærere debui Deum meum, quem jam quæsiveram per corpus, à terra usque ad cœlum, quo usque potui mittere nuncios radios oculorum meorum? Sed *g* melius, quod interius est. Ei quippe renuntiabant omnes nuntii corporales, præsidenti & judicanti de singulis responsionibus cœli, & terræ, & omnium, quæ in eis sunt, dicentium: Non sumus Deus, sed ipse fecit nos. Homo interior cognovit hæc, per exterioris ministerium. Ego interior cognovi hæc, ego animus per sensus corporis mei.

4. Interrogavi mundi molem de Deo

Q 2 *meo,*

meo, & respondit mihi : Non ego sum, sed ipse me fecit. Nonne omnibus, quibus integer sensus est, apparet hæc species? Cur non omnibus eadem loquitur? Animalia pusilla & magna vident eam, sed interrogare nequeunt. Non enim præposita est in eis nuntiantibus sensibus iudex ratio. Homines autem possunt interrogare, ut *invisibilia Dei*, per ea quæ facta sunt, intellecta conspicant. Sed amore subduntur eis, & h̄ subditi judicare non possunt. Nec respondent illa interrogantibus, nisi judicantibus, nec vocem suam mutant, id est, speciem suam: si aliis tantum videat, aliis autem videns interroget, ut aliter illi appareat, aliter huic: sed eodem modo utriusque apparet, illi muta est, huic loquitur. Imo vero omnibus loquitur, sed illi intelligunt, qui vocem acceptam foris, intus cum veritate conferunt. Veritas enim dicit mihi: Non est Deus tuus cœlum & terra, neque omne corpus. Hoc dicit eorū natura videnti. Moles minor est in parte, quam in toto. Iam tu melior es, tibi dico anima, quoniam tu vegetas molem corporis tui, præbens ei vitam, quod nullum corpus præstat corpori, Deus autem tuus etiam tibi, vitæ vita est.

N O T A.

- 1 Cor. 4.4.** **a** *Non dubia sed certa conscientia amo te*) intelligit S. D. certitudinem moralem, sive conjecturalem, qualem quis habere se confidit, si nullius peccati mortalis sibi conscientius sit, cum quo stare potest aliquis timor, juxta illud S. Pauli, *Nihil mihi conscientius sum, sed in hoc justificatus non sum.* Certitudo enim fidei de gratia & caritate Dei, à Catholicis rejicitur secundū Scripturas, & SS. PP. ipsumque Augustinum, & pertinet ad errores Sectariorum, quos optime refutat Bellarm.

b Sed

- b Sed & calum, & terra) nam non sine testimonio se- *Aster. 14.*
metipsum reliquit, benefaciens de celo, dans pluvias &^{16.}
tempora fructifera, implens cibo & letitia corda eorum. *l. 2. de
Cælum ergo, ut cum S. Prospero loquar, cuncta- gent. c. 4.*
que caelestia, mare & terra, omniaque, qua in eis sunt,
consono speciei sua, ordinationisque consensu protestan-
tur gloriam Dei, & prædicatione perpetua, majestatem &
bonitatem sui loquuntur autoris, omnesque ad grati-
tudinem & amorem ejus incitant.
- c Surdis loquuntur; quia sine gratia Dei efficaciam
creatuarum vocibus nemo attendit: et si omnes
possent attendere, si vellent, ideoque sint inex-
cusabiles.
- d Fallitur Anaximenes, qui teste Cicerone *Aëra 1. de nat.
Deum statuit, eumque digni, esse immensum, & infi- Deorum.
nitum, & semper in motu: sidera autem, solumque &
Lunam de terra nata esse, opinabatur, de quo S. D. l. 8 de
alibi memorat eum docuisse Deos ex aere ortos. civ. c. 2.*
- e Interrogatio mea, intentio mea) sive attentio & con-
sideratio, qua intellectus examinat & contem-
platur creaturarum speciem, ordinem, modum.
- f Responsio eorum, species eorum) sive natura finita,
quæ particulam tantum boni habet, nec ita bona
est, ut non sit aliud majus bonum. Hanc suam
limitatam bonitatem, dum creaturæ intellectui
eas consideranti, objiciunt, una voce respondent:
non sumus Deus, qui est omne bonum, & quo nullum
est majus bonum.
- g Melius, quod interius est,) mens enim hominis &
ipsa sensuum objecta cognoscit, & de sensibus
rebusque sensibiliibus judicat; longe ergo præstat
sensibus, qui singuli nec tam multa cognoscunt,
nec judicare possunt.
- h Et subdit: judicare non possunt) judicio sufficiente
ad amandum Deum, et si sufficiat ad eum cogno-
scendum & quærendum, ideoque ad culpatum.
Nam et si amor inordinatus creaturarum, quo
homo illis se subjicit, liget affectum, ne affurgat
in Deum: non ita tamen obscurat intellectum,
ut non videat Deum esse quærendum & aman-
dum, quod quia non fecerunt Philosophi, ideo
sunt inexcusabiles, & evanuerunt in cogitationibus suis.
- i Intus cum veritate conferunt) hoc est cum lumine
vultus divini, quod signatum est super nos, sive
cum principiis & veritatibus, nobis naturaliter

366 S. AVR. AVGUST. CONFES.

manifestis, quale est illud : *Omne corporeum minus est in parte, quam in toto* : melior ergo est anima, quæ tota vegetat totum corpus, & tota quamvis partem illius : & melior est corpore & anima Deus qui est vita animæ, & omnium viventium, amandus ergo supra omnia corpora, & ipsam animam. Quia & hoc natura dicit, ut *majus bonum ametur supra minus bonum, & summum bonum, supra omne bonum finitum*. Qui secundum hæc principia creaturas non examinant, illas non intelligunt nec capiunt, ideoque capiuntur amore illarum inordinato & illicito.

V S V S.

V.S. Tho.
in c. i. ad
Rom. S.
Dionys.
c. i. de div.
nom.

1. Duplex est modus bonitatem & immensitatem Dei cognoscendi ex creaturis. Vnus per viam *Affirmationis & excellentie*, cum omnes creaturarum perfectiones Deo tribuuntur, quia multo perfectius sunt in illo, quam in ipsis. Alter per viam *negationis & remotionis*, cum enim Deus infinite creaturas superet, nulla earum perfectio ob suam limitationem, & adjunctam imperfectionem ei proprie convenit, hinc recte à S. Gregor. Nazianz. appellatur *innominabilis & omnino minus*. Etsi enim plurimis nominibus appellatur, nullum tamen nomen, nulla conceptio illius perfectionem ullam exprimit, prout est in seipso, quia non possumus concipere nisi perfectiones finitas, quales experimur in creaturis. Utroque medo S.D. hic docet ex creaturis sensibilibus investigare Deum. I. Per *Negationes*, dicendo non esse corpus, non lucem, non odorem, non melodiam, &c. non aliud quid sensibus suave. II. Per viam *Affirmationis*, dicendo illum esse hæc omnia, sed remotis imperfectionibus, quas pulchre & apposite ad affectum explicat.
2. Utilem hoc caput subministrat meditationem ad amorem Dei ex creaturis inflammandum, ipsarumque creaturarum, quæ tam longe à creature distant, contemptum.

CAP.

C A P. VII.

Nec vegetativa, nec sensitiva anima vi Deum inveniri, cum utraque brutis sit communis.

I. **Q**uid ergo amo, cum Deum meum amo? Quis est ille, super caput animæ meæ? Per ipsam animam meam, ascendam ad illum. Transibo vim meam, qua hæreo corpori, & vitaliter compagem ejus repleo. Non ea vi reperio Deum meum, nam repe- Psal. 31.9.
raret equus & mulus, quibus non est intellectus, & est eadem vis, qua vivunt etiam eorum cor-
pora.

2. Est alia vis, non solum, qua vivifico sed etiam qua sensitivo carnem meam, quia mihi fabricavit Dominus, jubens oculo, ut non audiat, & auri, ut non videat: sed illi, per quem videam, huic, per quam audiam, & propria sigillatim cæteris sensibus, sedibus suis & officiis suis, quæ diversa per eos ago unus ego animus. Transibo & istam vim meam. Nam & hanc habet equus & mulus, sentiunt enim etiam ipse per corpus.

V S V S.

Recenset S. D. quonodo Deum non inventum in rebus corporeis, quæsiverit in anima sua, & per illam. I. Quidem ait, se illum non invenisse vi vegetante. II. Nec per vim sentientem, neque enim istæ facultates assurgunt, ultra res corpo-
reas & sensibiles, nobis cum brutis communes. Imitemur S. D. & sensibilibus relictis, ratione duce Deum quæramus.

Q 4

C A P.

C. A. P. VIII.

Ascendisse se in memoriam suam plenissimam miraculorum. quorum primum est, omnium rerum sensibilium imagines, sine rebus ipsis, sine confusione, illa contineri, & cum aliquid cogitandum est, in promptu esse.

1. **T**ransibo ergo, & istam vim naturæ meæ, gradibus ascendens ad eum, qui fecit me cum ea, & venio in campos & lata præatoria memoriæ meæ: ubi sunt thesauri innumerabilium imaginum, de hujuscemodi rebus sensis inventarum. Ibi reconditum est, quicquid etiam cogitamus, & vel augendo, vel minuendo, vel utcunque variando ea, quæ sensus attigerit: & si quid aliud commendatum & repositum est, quod nondum absorbuit & sepelivit oblivio. Ibi quando sum, posco, ut proferatur quicquid volo, & quædam statim prodeunt, quædam requiruntur diutius, & tanquam de astrusioribus quibusdam receptaculis eruuntur, quædam catervatim se proruunt, & dum aliud petitur, & queritur, prosiliunt in medium quasi dicentia: Ne forte nos sumus? Et abigo ea manu cordis, à facie recordationis meæ: donec enubiletur illud, quod volo, atque in conspectum prodeat ex abditis. Alia faciliter atque imperturbata serie, sicut poscuntur, suggestur, & cedunt præcedentia consequentibus, & cedendo conduntur, iterum, cum voluero, processura. Quod totum fit, cum aliquid narro memoriter.

2. Ibi

2. Ibi sunt omnia distincte generata inque servata, quæ suo quæque aditu ingesta sunt, sicut lux, atque omnes colores, formæque corporum per oculos: per aures autem, omnia genera sonorum: omnesque odores, per aditum narium: omnesque sapores, per oris aditum: ad sensum autem totius corporis quid durum, quid molle, quid calidum, frigidumve, lene aut asperum, grave seu leve, sive extrinsecus sive intrinsecus corpori. Hæc omnia recipit recolenda, cum opus est, & retractanda grandis memoriarum recessus. Et nescio, qui secreti atque ineffabiles sinus ejus, quæ omnia suis quæque foribus intrant ad eam, & reponuntur in ea. b Nec ipsa tamen intrant, sed rerum sensarum imagines illic præsto sunt, cogitationi reminiscenti eas.

3. Quæ quomodo fabricatae sint, quis dicit, cum appareat, quibus sensibus raptæ sint, interiusque reconditæ? Nam & in tenebris atque in silentio dum habito, in memoria mea profero, si volo, colores: & discerno inter album & nigrum, & inter quos alios volo. Nec incurruunt soni atque perturbant, quod per oculos haustum considero, cum & ipsi ibi sint, & quasi seorsum repositi lateant. Nam & ipsos posco, si placet, atque adsunt illico. Et quiescente lingua ac silente gutture, canto quantum volo: imagineisque illæ colorum, qui nihilominus ibi sunt, non se interponunt, neque interrumpunt, cum thesaurus aliis retractatur, qui influxit ab auribus. Ita cætera, quæ per sensus cæteros ingesta atque congesta sunt, recordor, prout libet. Et auram liliorum discerno à

à violis, nihil olfaciens: & mel & defruto, le-ne aspero, nihil tunc gustando, neq; contre-stando, sed reminiscendo antepono. Intus hæc ago, in aula ingenti memoriæ meæ.

4. Ibi enim mihi cælum, & terra, & ma-re præsto sunt, cum omnibus quæ in eis sen-tire potui, præter illa quæ oblitus sum. Ibi & ipse mihi occurro, meque recolo, quid, quando, vel ubi egerim; quoque modo, cum agerem, affectus fuerim. Ibi sunt omnia, quæ sive experta à me, sive credita memini. Ex eadem copia etiam similitudines rerum, vel expertarum, vel ex eis, quas expertus sum creditarum, alias atque alias, & ipse contexo præteritis: atque ex his etiam futu-ras actiones, & eventa, & spes, & hæc o-mnia rursus quasi præsentia meditor. Fa-ciam hoc aut illud, dico apud me, in ipso ingenti sinu animi mei, pleno tot & tan-tarum rerum imaginibus, & hoc aut illud se-quetur. O si esset hoc, aut illud! Avertat De-us hoc, aut illud! Dico apud me ista. Et cum dico, præsto sunt imagines omnium quæ di-co, ex eodem thesauro memoriæ, nec o-mnino aliquid eorum dicerem, si defu-issent.

5. Magna ista vis est memoriæ, magna nimis Deus meus! penetrale amplum & in-finitum. Quis ad fundum ejus pervenit? Et vis est hæc animi mei, atque ad meam natu-ram pertinet: nec ego ipse capio totum, quod sum. Ergo animus ad habendum scip-sum angustus est, ut ubi sit, quid sit, non capiat. Nunquid extra ipsum, ac non in ip-so? Quomodo ergo non capit?

6. Multa mihi super hoc oboritur admiratio,

ratio, stupor apprehendit me. Et eunt homines mirari alta montium, & ingentes fluctus maris, & latissimos lapsus fluminum, & Oceani ambitum, & gyros siderum, & relinquunt seipso, nec mirantur. Quin hæc omnia, cum dicerem, non ea videbam oculis; nec tamen dicerem, nisi montes & fluctus, & flumina, & sidera, quæ vidi, & Oceanum quem credidi, intus in memoria mea viderem, spaciis tam ingentibus, quasi fons viderem. Nec ea tamen videndo absorbi, quando vidi oculis: nec ipsa sunt apud me, sed imagines eorum. Et novi, quid ex quo sensu corporis impressum sit mihi.

N O T A E.

- a *Vel augendo vel minuendo*) intelligit S. D. ea, quæ nunquam visa nobis imaginamur ex aliis rebus similibus; sic v. g. Romam aut Carthaginem, concipiimus ad modum magnæ urbis: ea vero quibus nihil simile, nec in parte, nec in toto unquam vidimus, imaginari omnino non possumus. Hinc est, ut ait S. D. alibi, *quod à prima etate caci, cum de luce, coloribusque interrogantur, quid respondeant, non inveniunt. Non enim coloratas ulla patiuntur imagines, qui senserunt nullas.*
- b *Nec ipsa tamen intranti*) Res sensibiles imprimunt suas imagines sensibus, easque mittunt ad animum, quo ipsæ non perveniunt. neque enim murus intrat per oculos, sed sola ejus imago. Pulche Aristoteles, *ut cera, inquit, annuli sine ferro & auro recipit signum, accipit enim aureum, aut nimis. 25. aureum signum, sed non in quantum aurum & cæs: similiter autem & sensus uninsecusque, ab habente odorem, aut saporem, aut sonum patitur.*
- c *Defruto*) id est vino, quod ex duabus partibus ad tertiam calore ignis, redactum est, teste Nonio Marcello.

V S V S.

Hunc ipse S. D. digito monstrat, tanta nimirum miracula ut consideremus, & animum nostrum aliis rebus longe præferamus.

C A P. IX.

Alterum memoriae miraculum est, retinere præcepta Doctrinarum liberalium, non per imagines, instar rerum sensibilium, sed per seiphas.

1. **S**ed non ea sola gestat immensa ista capacitas memoriarum mearum. Hic sunt & illa omnia, quæ de doctrinis liberalibus præcepta nondum exciderunt, quasi remota interior loco: non loca, nec eorum imagines, sed res ipsas gero. Nam quid sit literatura, quid peritia disputandi, quot genera questionum, quicquid horum scio, sic est in memoria mea, ut non retenta imagine rem foris reliquerim: aut sonuerit & præterierit, sicut vox impressa per aures vestigio, quo recolitur, quasi sonaret, cum jam non sonaret: aut sicut odor, dum transit & evanescit in ventos, olfactum afficit, unde trajicit in memoriam imaginem sui, quam reminiscendo repetamus: aut sicut cibus, qui certe in ventre jam non sapit, & tamen in memoria quasi sapit: aut sicut aliquid, quod corpore tangendo sentitur, quod etiam separatum à nobis imaginatur memoria. Ista quippe res non intromittuntur ad eam, sed earum solae imagines mira celeritate capiuntur, & miris tanquam cellis reponuntur, & mirabiliter recordando proferuntur.

N O-

N O T A E.

Etsi S. D. admiserit species intentionales rerum corporearum tum in sensu externo, tum interno : species tamen intelligibiles scientiarum & disciplinarum, nullas agnovit, ut clare ex hoc capite colligitur. Censuit enim doctrinas liberales animo nostro insitas, & quasi naturaliter congenitas, ut de primis principiis aliqui philosophantur. Vnde conclusit eas nullis imaginibus egere, cum per seiphas intellectui praesto sint.

Durand. 3.
d. 33. q. 1.
ad 2. Dom.
Soto. 1.1.
de just. &
jure q. 6.
a. 1.

C A P. X.

Doctrinas, cum per nullum sensum possint intrare, ante in animo latuisse, esse autem necessariam alterius veluti admonitionem, ad eas eruendas.

1. **A**T vero, cum audio tria genera esse quæstionum, an sit? quid sit? quale sit? sonorum quidem, quibus hæc verba confecta sunt, imagines teneo, & eos per auras cum strepitu transisse, ac jam non esse scio: res vero ipsas, quæ illis significantur sonis, neque ullo sensu corporis attigi, nec uspiam vidi præter animum meum, & in memoria mea recondidi, non imagines earum, sed ipsas. Quæ unde ad me intraverint, dicant, si possunt. Nam percurro januas omnes carnis meæ, nec invenio, qua earum ingressæ sint.

2. Quippe oculi dicunt: si coloratae sunt, nos eas nunciavimus. Aures dicunt: si sonuerunt, à nobis indicatae sunt. Nares dicunt: si oluerunt, per nos transferunt. Dicit etiam sensus gustandi: si sapor non est, nihil

Q 7

me

me interroges. Tactus dicit: si corpulentum non est, non contrectavi : si non contrectavi, non indicavi. Vide, unde, & qua hæc intraverunt in memoriam meam? Nescio quomodo ; nam cum ea didici, non credidi alieno cordi, sed in meo recognovi, & vera esse approbavi : & commendavi ei tanquam reponens, unde proferrem, cum vellem. Ibi ergo erant, & antequam ea didicissem, sed in memoria non erant. Vbi ergo ? aut quare cum dicerentur, agnovi, & dixi : Ita est, & verum est, nisi quia jam erant in memoria, sed tam remota & retrusa, quasi in caveis abditioribus: ut nisi admonente aliquo eruerentur, ea fortasse cogitare non possem ?

N O T A E.

Doctrinas, cum sub nullam cadant sensum, ante in animo latuisse concludit, quia vero obruuntur aliarum rerum cogitationibus & imaginibus, egere aliquo monitore, ut eruantur, sive in actum prodeant.

C A P. XI.

Discere res sensu non perceptibiles, nihil esse aliud, quam ea, quæ in memoria indisposita & abstrusa erant, cogitando quasi colligere, & ordinare.

I. **Q**uocirca invenimus, nihil esse aliud discere ista, quorum non per sensus haurimus imagines, sed sine imaginibus, sicuti sunt, per seipsa intus cernimus : nisi ea, quæ passim atque indisposite memoria continebat, cogitando quasi colligere, atque animadvertendo curare, ut tanquam ad manum

num posita in ipsa memoria, ubi sparsa prius & neglecta latitabant, jam familiari intentioni facile occurrant.

2. Et quam multa hujusmodi gestat memoria mea, quæ jam inventa sunt, & sicut dixi, quasi ad manum posita, quæ didicisse & nosse dicimur! Quæ si modestis temporum intervallis recolere desivero, ita rursus demerguntur, & quasi in remotiora penetralia dilabuntur, ut denuo velut nova excogitanda sint in idem iterum. Neque enim est alia regio eorum, & cogenda rursus, ut sciri possint: id est, velut ex quadam dispersione colligenda, unde dictum est cogitare. Nam cogo & cogito, sic est, ut ago & actito, facio & factito. Veruntamen, sibi animus hoc verbum proprie vendicavit, ut non quod alibi, sed b^a quod in animo colligitur, id est cogitur, cogitari proprie jam dicatur.

N O T A E.

- a Per seipsa intus cernimus) sensit S. D. nos res immateriales per seiphas cognoscere conceptu proprio & intuitivo, non minus quam sensibiles. Mens ergo ipsa inquit alibi, sicut corporearum lib. 9. de rerum notitiis per sensus corporis colligit, sic incorporea Tri. c. 3. rum per semetipsam.
- b Quod in animo colligitur) elegans verbi cogitare etymologia, & sane congua, omnis enim cogitatio in quadam conceptuum collectione consistit, ut judicare & ratiocinari possimus. Simplici apprehensioni sive conceptui nomen cogitationis minus recte congruit.

C A P.

C A P. XII.

Numerorum etiam dimensionumque rationes & leges, nec ipsas sensu perceptibles, memoria comprehendendi.

1. Item continet memoria numerorum dimensionumque rationes & leges innumerabiles, quarum nullam corporis sensus impressit; quia nec ipsæ coloratæ sunt, aut sonant, aut olent, aut gustatæ, aut contrectatæ sunt. Audivi sonos verborum, quibus significantur, cum de his differitur ^a sed illi alii, istæ autem aliæ sunt. Nam illi alter græce, aliter latine sonant: istæ vero res nec græcæ nec latinæ sunt, nec aliud eloquiorum genus.

2. Vidi lineas fabrorum, vel etiam tenuissimas, sicut filum araneæ: sed illæ aliæ sunt; non sunt imagines earum, quas mihi nunciavit carnis oculus. Novit eas, quisquis sine ulla cogitatione qualiscunque corporis, intus agnovit eas. Sensi etiam numeros omnibus corporis sensibus, quos numeramus; sed illi alii sunt, quibus numeramus, nec imagines istorum sunt, & ideo valde sunt. Rideat me ista dicentem, qui eos non videt, & ego doleam ridentem me.

N O T A E.

^a Sed illi alii, &c.) abstracti nempe ab omni materia, quales sensus non percipit; omnes enim numeros & quantitates, quas sentimus, in aliquo corpore & re materiali sentiuntur. Abstractiones vero mathematicas, numerosque & quantitates, cum suis regulis ac principiis Arithmeticis & Geometricis, intellectus per seipsum fabricat, vel ut S. D. sensit, congenitas accepit.

C A P.

C A P . XIII.

Tertium memoria miraculum est, quod non solum actuum suorum meminerit, verum affectionum quoque & perturbationum animi alio longe modo, quam quo afficiunt animum.

1. Hæc omnia memoria teneo, & quomodo ea didicerim, memoria tenco. Multa etiam, quæ adversus hæc falsissime disputantur, audivi, & memoria teneo: quæ tametsi falsa sunt, tamen ea meminisse me non est falsum, & discrevisse me inter illa vera, & hæc falsa, quæ contra dicuntur. Et hoc memini. Aliterque nunc video discernere me ista, aliter autem memini sæpe me discrevisse, cum ea sæpe cogitarem. Ergo, & intellexisse me sæpius ista memini, & quod nunc discerno & intelligo, recondo in memoria, ut postea me nunc intellexisse meminerim. Ergo & meminisse me memini, sicut postea quod hæc reminisci nunc potui, si recordabor, utique per vim memoria recordabor.

2. Affectiones quoque animi mei eadem memoria continet, non illo modo, quo eas habet ipse animus, cum patitur eas: sed alio multum diverso, sicut sese habet vis memoriae. Nam & latatum me fuisse reminiscor non latutus, & tristitiam meam præteritam, recordor non tristis. Et me aliquando timuisse, recolo sine timore, & pristinæ cupiditatis, sine cupiditate sum memor. Aliquando è contrario, tristitiam meam transactam latutus reminiscor, & tristis latitudinem meam.

C A P .

C A P. · XIV.

*Latos nos tristitiae, aliorumque affectuum
meminisse, nec tamen eorum perturba-
tionem sentire.*

1. **Q**uod mirandum non est de corpore, aliud enim animus, aliud corpus. Itaque, si præteritum dolorem corporis gaudens memini, non ita mirum est. Hic vero & cum animus sit etiam ipsa memoria. Nam & cum mandamus aliquid, ut memoriter habeatur, dicimus: vide, ut illud in animo habeas. Et cum obliviscimur, dicimus: fuit in animo, & elapsum est animo, ipsam memoriam vocantes animum. Cum ergo ita sit, quid est hoc, quod cum tristitiam meam præteritam latus memini, animus habet lætitiam, & memoria tristitiam: latusque est animus, ex eo quod inest ei lætitia, memoria vero, ex eo quod inest ei tristitia, tristis non est? Num forte non pertinet ad animum? Quis hoc dixerit? Nimirum ergo memoria, b quasi venter est animi, lætitia vero atque tristitia, quasi cibus dulcis & amarus, cum memoriae commendantur, quasi trajecta in ventrem, recondi illic possunt, sapere non possunt. Ridiculum est hæc illis similia putare, nec tamen sunt omnimodo dissimilia.

2. Sed ecce de memoria profero cum di-
co quatuor esse perturbationes animi, cu-
piditatem, lætitiam, metum, tristitiam, &
quicquid de his disputare potuero: dividendo singula per species sui cuiusque generis,
&

& definiendo. Ibi invenio quid dicam, atque inde profero: nec tamen ulla earum perturbatione perturbor, cum eas reminiscendo commemoro, & antequam recollectur à me & retractarentur, ibi erant, propterea inde per recordationē potuere depromi. Forte ergo, sicut de ventre cibus ruminando, sic ista de memoria recordando proferuntur. Cur igitur in ore cogitationis non sentitur à disputante, hoc est, à reminiscente, lātitiæ dulcedo vel amaritudo moestitiæ? An in hoc dissimile est, quod non undique simile est? Quis enim talia volens loquetur, quoties tristitiam metumve nominamus, toties mōrērēre vel timere cogeremur? Et tamen non ea loqueremur, nisi in memoria nostra, non tantum sonos nominum secundum imagines impressas sensibus corporis, sed etiā rerum ipsarum notiones inveniremus, quas nulla janua carnis acceperimus: sed eas ipse animus per experientiam passionum suarum sentiens, memoriae commendavit, aut ipsa sibi hæc etiam non commendata retinuit.

N O T A E.

a Cum animus sit ipsa etiam memoria) Sentit S. D. potentias realiter ab anima non distingui, ut ali lib. 9. de bi clare docet. Quam sententiam SS. Patrum Tri. c. 11. esse communem alibi ostendimus.

b Quasi venter est animi) Plato quoque memoriam stomachum animi vocavit. Etsi vero hæc S. D. similitudo rem aliquo modo declarat, non satis tamen similis est, ut ipse fatetur. Meminimus itaque lāti tristitiae præteritiae, quia tristitia est dolor animi de malo præsenti, quod, si jam præteritum est, dolorem non affert. Neque tristitia aliæque perturbationes, quarum meminimus, per seiphas, sed solum per suas imagines animo obver-

obversantur : imagines autem contrariorum affectuum non sibi repugnant, sed ipsi affectus. Ita picta aqua non extinguit ignem, nec ignis pictus calefacit.

C A P. XV.

Affectus passionesque animi imaginem sui in memoria relinquere.

1. **S**ed utrum per imagines, an non, quis facile dixerit ? Nomino quippe lapidem, nomino solem, cum res ipsæ non ad sunt sensibus meis, in memoria fane mea præsto sunt imagines earum. Nomino dolorem corporis, nec mihi adest, dum nihil dolet. Nisi tamen adesset imago ejus in memoria mea, nescirem, quid dicerem, nec cum in disputando, à voluptate discernerem.

2. Nomino salute in corporis, cum salvis sum corpore ; adest mihi quidem res ipsa : veruntamen nisi & imago ejus inesset in memoria mea, nullo modo recordarer, quid hujus nominis significaret sonus. Nec ægrotantes agnoscerent salute nominata, quid esset dictum, nisi eadem imago vi memorie teneretur, quamvis ipsa res abesset à corpore. Nomino numeros, quibus numeramus : & ad sunt in memoria mea, non imagines eorum, sed ipsi. Nomino imaginem solis, & hæc adest in memoria mea. Neque enim imaginem imaginis ejus, sed ipsam recolo, ipsa mihi reminiscenti præsto est. Nomino memoriam, & agnosco, quod nomino. Et ubi agnosco, nisi in ipsa memoria ? Num & ipsa per imaginem suam sibi adest, ac non per seipsum ?

N O-

N O T Æ.

Convictus suo argumento S. D. admittit species ,
sive imagines affectuum in anima , quia absque
illis non potest intelligi, quomodo possimus illo-
rum meminisse, si neque in se, nec in sua imagi-
ne præsentes sunt.

C A P. XVI.

*Quartum memoria miraculum esse. nos ipsi-
us Oblivionis meminisse, quomodo autem
id fiat, censet inexplicabile.*

I. **Q** Vid, cum oblivionem nomino , at-
que itidem agnosco , quod nomi-
no, unde agnoscere, nisi meminisset ?
Non eundem sonum nominis dico, sed rem
quam significat. Quam si oblitus essem, quid
ille valeret sonus , agnoscere utique non
valerem. Ergo cum memoriam memini,
per seipsam præsto est ipsa memoria : cum
vero memini oblivionem, & memoria præ-
sto est & oblivio ; memoria , qua memine-
rim; oblivio,qua non meminerim. Sed quid
est oblivio , nisi privatio memoriarum ? Quo-
modo ergo adest, ut eam meminerim, quan-
do cum adestr meminisse non possum ? At, si
quod meminimus , memoria retinemus :
oblivionem autem nisi meminisset, ne-
quaquam possemus auditio isto nomine
rein, quæ illo significatur sono, agnoscere :
memoria retinetur oblivio. Adestr ergo , ne
obliviscamur; quæ cum adestr, obliviousimur.
An ex hoc intelligitur , non per seipsam in-
esse memoriarum , cum eam meminimus , sed
per imaginem suam ? Quia si per seipsam
præsto

præsto esset oblivio, non ut meminisseinus,
sed ut oblidisceremur, efficeret.

2. Et hoc quis tandem indagabit? Quis comprehendet, quomodo sit? Ego certe Domine labore hic, & labore in meipso: factus sum mihi terra difficultatis, & sudoris nimii. Neque enim nunc scrutamur plagas cæli, aut fiderum intervalla demetimur, vel terræ libramenta quærimus. Ego sum, qui memini, ego animus. Non ita mirum, si à me longe est, quicquid ego non sum. Quid autem propinquius meipso mihi? Et ecce memoriarum mearum vis non comprehenditur à me, cum ipsum me non dicam præter illam! Quid enim dicturus sum, quando mihi certum est meminisse me obliionem? An dicturus sum non esse in memoria mea, quod memini? An dicturus sum ad hoc inesse obliionem in memoria mea, ut non oblidiscar? Vtrumque absurdissimum est.

3. Quid illud tertium? Quo pacto dicam imaginem obliionis teneri in memoria mea, non ipsam obliionem, cum eam memini? Quo pacto & hoc dicam, quandoquidem cum imprimitur rei cuiusquam imago in memoria, prius necesse est, ut adfert res ipsa, unde illa imago possit imprimi? Sic enim Carthaginem memini, sic omnium locorum, quibus interfui, sic facies hominum, quos vidi, & cæterorum sensuum numerata, sic ipsius corporis salutem, sive dolorem. Cum præsto essent ista, cepit ab eis imagines memoria, quas intuerer præsentes: & retractarem animo, cum illa & absentia reminisceret. Si ergo per imaginem suam,

suam, non per seipsam in memoria tenetur
oblivio, ipsa utique aderat, ut ejus imago
caperetur. Cum autem adesset, quomodo
imaginem suam in memoria conscribebat:
quando id etiam, quod jam notatum inven-
nit, præsentia sua delet oblivio? Et tamen
quocunq; modo, licet sit modus iste incom-
prehensibilis & inexplicabilis, etiam ipsam
oblivionem meminisse me certus sum, qua
id, quod meminerimus, obriuitur.

N O T A E.

Oblivionis, ut est privatio, meminisse non possumus, quia non entis ut sic, nec imago esse po-
test, nec conceptus, ut recte concludit S. D.
In quantum vero recordamur actus memorati-
vi, quem hic & nunc habere debuimus, aut vo-
luimus, (ut cum quis meminit, sibi in concio-
ne non occurrisse conceptum sententiaz, quain
edidicerat) sic meminit oblivionis suæ per ima-
ginem non ipsius oblivionis, sed actus obli-
ti: quem dum concipiimus non adfuisse, quando de-
bebat, hoc ipso oblivionem meminimus. Quæ
etsi delect actum oppositum, non tollit tamen
memorationem illius actus, qua meminimus
illum non adfuisse, quia isti recordationi, non
opponitur. Et sic videtur explicari posse memo-
ria oblivionis.

C A P. XVII.

*Etsi tanta sit memoria vis, tamen eam quo-
que transcendam, ut inveniatur Deus,
cum in brutis quoque memoria appa-
reat.*

I. **M**agna ista vis est memoriae. Nescio
quid horrendum Deus meus, pro-
funda & infinita multiplicitas! & hoc ani-
mus

mus est, & hoc ego ipse sum. Quid ergo sum Deus meus? Quæ natura sum? Varia multimoda vita, & immensa vehementer. Ecce in memoriæ meæ campis, & antris, & cavernis innumerabilibus, atque innumerabili plenis innumerabilium rerum generibus, sive per imagines, sicut omnium corporum, sive per præsentiam, sicut artium, sive per nescio quas notiones vel notiones, sicut affectionum animi, quas & cum animus non patitur, memoria tenet, cum in animo sit, quicquid est in memoria. Per hæc omnia discurro, & volito hac atque illac, penetro etiam quantum possum, & finis nusquam. Tanta vis est memoriæ, tanta vi-
tæ vis est in homine vivente mortaliter.

2. Quid igitur agam, tu vera mea vita, Deus meus? Transibo & hanc vim meam, quæ memoria vocatur, transibo eam, ut perveniam ad te dulce lumen. Quid dicis mihi? Ecce ego ascendens per animum meum ad te, qui desuper mihi manes, transibo & istam vim meam, quæ memoria vo-
catur: volens te attingere, unde attingi po-
tes, & inhærere tibi, unde inhæreri tibi po-
test. Habent enim memoriam & pecora,
& aves: alioquin non cubilia nidosve repe-
terent, non alia multa, quibus affluescunt:
neque enim & affluescere valerent ulla re-
bus, nisi per memoriam. Transibo ergo &
memoriam, ut attingam eum, qui separavit
me à quadrupedibus, & volatilibus cœli sa-
pientiorem me fecit. Transibo & memo-
riam. Et ubi te inveniam vere bona, & se-
cura suavitas? Et ubi te inveniam?

N O-

N O T A E.

- a Sive per presentiam, sicut artium) censuit S. D. artes, ipsamque animam, aliaque ipsi inhærentia sine speciebus ab intellectu cognosci, eo videlicet, quod sufficienter sint ipsi unita: imagines vero solum requiri putabat, ad supplendam objecti absentis, aut non existentis præsentiam. Communiter tamen Theologi ac Philosophi do- V. S. Th. cent, species intelligibiles ad horum quoque co- 1. p. q. 55. gnitionem esse necessarias, quod non est nostri a. 5. Mol. instituti examinare. ibid. a. 2. d. 1. Con,
- b Sive per nescio quas notiones) Species affectuum & conceptuum notiones potius vel notations ap- 3. de ani- pellat, quam imagines: ad distinctionem credo 3. a. 2. specierum aliarum, nam reipsa istae notiones, quibus affectus actusque nostros cognoscimus & notamus, non minus sunt imagines, quam spe- cies rerum aliarum.

C A P. XVIII.

Deum extra memoriam non posse agnosciri, adeoque nec inveniri, nihil enim invenimus, nisi quod ex imagine, quam intus tenemus, recognoscimus.

- I. **S**i præter memoriam meam te inve-
nio, immemor tui sum. Et quomodo-
jam inveniam te, si memor non sum tui?
Perdiderat enim mulier drachmam & quæ- Luc. 15.
sivit eam cum lucerna: & nisi memor ejus
esset, non invenisset eam. Cum enim esset
inventa, unde sciret, utrum ipsa esset, si
memor ejus non esset? Multa memini me
perdita quæsisse, atque invenisse. Vnde istud
scio? Quia cum quærere aliquid eorum,
& diceretur mihi, numquid forte hoc est?
num forte istud? tamdiu dicebam, non est:
donec id offerretur, quod quærebam. Cu-
R. jus

jus nisi memor essem, quicquid illud esset, etiam si mihi offerretur, non invenirem, quia non agnoscerem. Et semper ita fit, cum aliquid perditum quærimus, & invenimus.

2. Veruntamen, si forte aliquid ab oculis perit, non à memoria, veluti corpus quodlibet visibile: tenetur intus imago ejus & quæritur, donec reddatur aspectui. Quod cum inventum fuerit, ex imagine, quæ intus est, recognoscitur. Nec invenisse nos dicimus quod perierat, si non agnoscamus: nec agnoscere possumus, si non meminimus, sed hoc perierat quidem oculis, memoria tenebatur.

N O T A E.

Clara & elegans est hæc S. D. doctrina, unde optime concluditur, Deum intra memoriam quæri debere, & aliquam illius notionem, sive conceptum saltem obscurum nobis insitum esse.

C A P. XIX.

Ipsam memoriam, cum aliquid per oblivionem amittit, non aliter ejus reminisci, quam aliquid simile vel connexum cogitando, quod si omnino aboleatur, nec amissum quæri potest.

1. **Q**uid cum ipsa memoria perdit aliquid, sicut fit, cum oblidiscimur, & quærimus, ut recordemur: ubi tandem quærimus, nisi in ipsa memoria? Et ibi si aliud pro alio forte offeratur, respuimus, donec illud occurrat, quod quærimus, & cum

cum occurrerit, dicimus, hoc est; quod non diceremus, nisi agnosceremus, nec agnosceremus, nisi meminissimus. Certe ergo obliti fueramus. An non totum exciderat? Sed ex parte qua tenebatur, pars alia quarebatur, quia sentiebat se memoria non simul volveare, quod simul solebat, & quasi detruncata consuetudine claudicans, reddi, quod deerat, flagitabat. Tanquam si homo notus, sive conspiciatur oculis, sive cogitur, & nomen ejus obliti requiramus, quicquid aliud occurrerit, non connectitur; quia non cum illo cogitari consuevit, ideoque respuitur, donec illud adsit, ubi simul assuefacta notitia non inæqualiter acquiescat. Et unde adest, nisi ex ipsa memoria? Nam & cum ab alio commoniti recognoscimus, inde adest. Non enim quasi novum credimus, sed recordantes approbamus hoc esse, quod dictum est. Si autem penitus aboleatur ex animo, nec admoniti reminisci-
mus. Neque enim omnimodo adhuc obliti sumus, quod vel oblitos nos esse memini-
mus. Hoc ergo nec amissum querere poterimus, quod omnino obliti fueramus.

C A P. X X.

*Cum omnes beatam vitam, quæ solus Deus
est, querant, necesse est eam in memoria
ac notitia esse, neque enim amaremus
eam, nisi nossemus.*

I. **Q**uomodo ergo te quero Domine?
Cum enim te Deum meum quero,
vitam beatam quero. **Queram te**, ut vivat
R. 2 anima

anima mea. Vivit enim corpus meum de anima mea, & a vivit anima mea de te. Quomodo ergo quāro vitam beatam? quia non est mihi, donec dicam, sat est illic, ubi oportet, ut dicam. Quomodo eām quāro? Vtrum per recordationem, tanquam eām oblitus sim, oblitumque me esse adhuc teneam? An per appetitūm discendi incognitam, sive quam nunquam scierim, sive quam sic oblitus fuerim, ut me nec oblitum esse meminerim? Nonne ipsa est beata vita quam omnes volunt, & omnino, b qui nolit, nemo est? Vbi noverunt eām, quod sic volunt eām? Vbi viderunt, ut amarent eām? Nimirum habemus eām, nescio quomodo. Et est alius quidam modus, quo quisque cum habet eām, tunc beatus est. Et sunt, qui spe beati sunt. Inferiore modo isti habent eām, quam illi, qui jam re ipsa beati sunt; sed tamen meliores quam illi, qui nec re, nec spe beati sunt. Qui tamen etiam ipsi nisi aliquo modo haberent eām, non ita vellent beati esse, quod eos velle certissimum est.

2. Nescio quomodo noverunt eām. Ideoque habent eām nescio qua notitia, de qua fatago, utrum in memoria sit: quia si ibi est, jam beati fuimus aliquando. Vtrum sigillatim omnes, an in illo homine, qui primus peccavit, in quo & omnes mortui sumus, & de quo omnes cum miseria nati sumus, non quāro nunc: sed quāro, utrum in memoria sit beata vita? c Neque enim amaremus eām, nisi nossemus. Audimus nomen hoc, & rem ipsam omnes nos appetere fatemur. Non enim sono delectamur. Nam hoc cum latine audit Grācus, non delectatur,

quia

quia ignorat quid dictum sit, nos autem delectamur. Sicut etiam ille, si Græce hoc audierit, quoniam res ipsa nec Græca, nec Latina est: cui adipiscendæ Græci Latinique inhiant, ceterarumque linguarum homines. Nota est igitur omnibus, quia una voce si interrogari possent, utrum beati esse vellent, sine ulla dubitatione velle responderent. Quod non fieret, nisi res ipsa, cuius hoc nomen est, eorum memoria teneretur.

N O T A E.

- a *Vivit anima mea de te*) Verissima & frequens S. D. est sententia, vitam animæ Deum esse si- V. Serm. cut vita corporis est anima: & sicut deserente 13. de anima moritur corpus, ita deserente Deo mori ^{martyr.} to. 10. animam.
- b *Qui nolit eam, nemo est*) adeo ut alibi S. D. dicat, *Omnium sententia est, qui ratione quoquo modo* I. 10. de *tui p̄fūnt, beatos esse omnes homines velle, id que see- tiv. 4. 1. A* pius inculcat. Nimirum beatitudo bonum est, *bonum autem omnia appetunt, multo ergo magis* I. Ethic. *summum bonum, quod est beatitudo.* cap. 1.
- c *Neque enim amaremus eam, nisi nossemus* i) ignoti Fons. 9. *enim nulla cupido, & probabile est voluntatem* met. c. 2. *nullam posse elicere actionem, nisi prævia ap-* q. 5. f. 6. *prehensione intellectus, etiam per divinam po-* Vasq. 1, 2. *t. 1. d. 3. f. 4* tentiam.

C A P. XXI.

Quia omnes notitiam & experientiam aliquam gaudii habent, & vitam beatam gaudium esse putant, hinc omnes illam appetunt, & in memoria recognoscunt.

i. **N**vnquid ita, ut meminit Carthaginem, qui vidit? Non. Vita enim beata non videtur oculis, quia non est corpus.

R. 3

Nun-

quid sicut meminimus numeros? Non. Hos enim qui habet in notitia, & non adhuc querit adipisci. Vitam vero beatam habemus in notitia, ideoque amamus, & tamen adhuc adipisci eam volumus, ut beatisim. Nunquid sicut meminimus eloquentiam? Non. Quamvis enim & hoc nomine auditio recordentur ipsam rem, qui etiam nondum sunt eloquentes, multique esse cupiant, unde apparet eam esse in eorum notitia: tamen per corporis sensus alios eloquentiores animadverterunt, & delectati sunt, & hoc esse desiderant: qua nisi in exteriore notitia, non delectarentur, neque hoc esse vellent, nisi delectarentur. Beatam vero vitam nullo sensu corporis in aliis experimur.

2. Nunquid, sicut meminimus gaudium? Fortasse ita. Nam gaudium meum etiam tristis memini, sicut vitam beatam miser. Neque unquam corporis sensu gaudium meum vel vidi, vel audivi, vel odoratus sum, vel gustavi, vel tetigi, sed expertus sum in animo meo, quando latatus sum: & adhæsit ejus notitia memoriae meæ, ut id reminisci valeam aliquando cum aspernatione, aliquando cum desiderio, pro earum rerum diversitate, de quibus me gavisum esse memini. Nam & de turpibus gaudio quodam perfusus sum, quod nunc recordans detestor atque execror. Aliquando de bonis & honestis, quod desiderans recolo, tametsi forte non adsunt, & ideo tristis gaudium pristinum recolo. b Vbi ergo & quando expertus sum vitam meam beatam, ut recorder eam, & amem, & desiderem?

Nec

Nec ego tantum , aut cum paucis, sed beati prorsus omnes esse volumus. Quod nisi certa notitia nossemus, non tam certa voluntate vellemus.

3. Sed quid est hoc ? Quod si queratur à duobus, utrum militare velint, fieri possit, ut alter eorum velle se , alter nolle respondeat. Si autem ab eis queratur, utrum beatitudine esse velint ; fieri possit, ut uterque statim se sine ulla dubitatione dicat optare: nec ob aliud velit ille militare , nec ob aliud iste nolit, nisi ut beati sint. Nam forte, quoniam alius hinc , alius inde gaudet , ita se omnes beatos esse velle consonant : quemadmodum consonarent, si hoc interrogarentur, se velle gaudere , atque ipsum gaudium vitam beatam vocant. Quod etsi alius hinc , alius illinc assequitur, unum est tamen , quo pervenire omnes nituntur , ut gaudeant. Quæ quoniam res est, quam se expertum non esse nemo potest dicere, propterea reperta in memoria recognoscitur, quando beatæ vita nomen auditur.

N O T A E.

a Non adhuc quarit adipisci) est enim Arithmeticæ scientia speculativa , quæ ultra cognitionem objecti non tendit. Accedit S. D. existimasse numerorum species, quos numeros vocat, esse nobis naturaliter insitas.

b Vbi ergo , & quando experius sum vitam beatam ?) Nunquam totam experiri possumus in hac vita , aliquam tamen ejus partem quovis actu amoris & desiderii appetimus. Nam ex eo, quod experimur nobis bene esse obtento uno bono, & tanto melius, quanto plura bona adipiscimur, concludimus optime nobis fore , si potiamur omnibus bonis , & careamus omnibus malis , quod est summum i. 2. t. 2. bonum, & beatitudine vera. Quare per experientiam d. 6. a. 2.

R 4 boni

Boet. l. 3.
de consol.
Philos.
Prof. 2.

boni particularis , venimus in cognitionem boni universalis & completi , quod nondum experti sumus , sed experiri desideramus . Et quamvis non omnes consonent in gaudiis particularibus , & alius hinc , alius hinc gaudeat , omnes tamen consonant in appetitu gaudii completi , quod omnium bonorum aggregatione perficitur , & nihil est aliud quam ipsa beatitudo , sive vita beata .

C A P. XXII.

Non omne gaudium est beata vita, sed gaudere ad Deum, de illo, & propter illum.

I. **A**bsit Domine , absit à corde servi tui , qui confitetur tibi , absit , ut quocunque gaudio gaudeam , beatum me putem . Est enim gaudium , quod non datur impiis , sed eis , cui te gratis colunt , a quorum gaudium tu ipse es . b Et ipsa est vita beata , gaudere ad te , de te , propter te : ipsa est enim , & non est altera . Qui autem aliam putant esse , aliud sectantur gaudium , neque ipsum verum . Ab aliqua tamen imagine gaudii , voluntas eorum non avertitur .

N O T. A E.

a Quorum gaudium tu ipse es) Sicut beatitudo duplex est , una objectiva , sive res , in qua consistit summum bonum , altera formalis , sive acquisitio & possessio talis rei , ita gaudium duplex est , unum objectivum , sive bonum aliquod v. g. pecunia , alterum formale , sive possessio talis boni & delectatio de illo . Priori modo Deus est beatitudo & verum gaudium nostrum , posteriori vita beata consistit in actibus intellectus & voluntatis , per quos possidemus Deum illoque fruimur , in hac quidem vita spe , per cognitionem & caritatem imperfectam , in altera re , per visionem & fruitionem beatificam . Hoc enim est gaudium Domini , in quod intrabit servus bonus , & fidelis .

b Et ipsa est beata vita) gaudere spe perveniendi
ad

ad Deum, omnem delectationem quærere de Deo,
qui est summum bonum, delectari quoque in
minoribus bonis, sive creaturis, sed propter Deum.
Hæc est beata vita, quæ per spem & gratiam
inchoatur in mortali vita, & consummatur per
gloriam in æterna vita.

C A P. XXIII.

Beatam vitam esse gaudium de veritate,
quia Deus veritas est, & quicunque
aliud amant, velle, ut hoc quod amant,
sit veritas.

I. **N**on ergo certum est, quod omnes es-
 se beati volunt; quoniam qui non
 de te gaudere volunt, quæ sola vita beata
 est, a non utique vitam beatam volunt. An
 omnes hoc volunt? Sed quoniam *caro con-*
cupiscit adversus spiritum, & spiritus adversus car-
nem, ut non faciant quod volunt, cadunt in
 id, quod valent, eoque contenti sunt: quia
 illud, quod non valent, non tantum volunt,
 quantum sat est, ut valeant. Nam quæro ab
 omnibus, utrum malint de veritate, quam
 de falsitate gaudere? Tam non dubitant di-
 cere de veritate se malle, quam non dubi-
 tant dicere, beatos esse se velle. Beata quip-
 pe vita, est b gaudium de veritate. Hoc est
 enim gaudium de te, qui veritas es, Deus illu- *Gal. 5,17.*
minatio mea, salus faciei meæ, Deus meus. Hanc *Ioa. 14,1.*
Psal. 26,1.
 vitam beatam, omnes volunt, hanc vitam,
 quæ sola beata est, omnes volunt. Multos
 expertus sum, qui vellent fallere; qui au-
 tem falli, neminem. Vbi ergo noverunt
 hanc vitam beatam, nisi noverunt etiam ve-
 ritatem? Amant enim & ipsam, quia falli
 nolunt.

R 5

nolunt. Et cum amant beatam vitam, quod non est aliud quam de veritate gaudium, utique amant etiam veritatem. Nec amarent, nisi esset aliqua notitia ejus, in memoria eorum.

2. Cur ergo non de illa gaudent? c Cur non beati sunt? Quia fortius occupantur in aliis, quæ potius eos faciunt miseros, quam illud beatos quod tenuiter meminerunt. Ad hoc enim modicum lumē est in hominibus. Ambulent, ambulent, ne eos tenebræ comprehendant. Cur autem veritas parit odiū, & inimicus eis factus est homo tuus, verum prædicans, cum ametur beata vita, quæ non est nisi gaudium de veritate: nisi quia sic amatur veritas, ut quicunque aliud amant, d' hoc quod amant, velint esse veritatem? Et quia falli nolunt, nolunt convinci, quod falsi sint? Itaque propter eam rem oderunt veritatem, quam pro veritate amant. Amant eam lucentem, oderunt eam redarguentem. Quia enim falli nolunt & fallere volunt, amant eam, cum seipsam indicat, & oderunt eam, cum eos ipsos indicat. Inde retribuet eis, ut qui se ab ea manifestari nolunt, & eos nolentes manifestet, & eis ipsa non sit manifesta. Sic sic etiam, sic animus humānus, etiam sic cæcus & languidus, turpis atque indecens latere vult: se autem ut lateat aliquid, non vult. Contra illi redditur, ut ipse non lateat veritatem, ipsum antem veritas lateat. Tamen etiam sic dum miser est, veris mavult gaudere, quam falsis. Beatus ergo erit, si nulla interpellante molestia, de ipsa, per quam vera sunt omnia, sola veritate gaudebit.

N O.

N O T A E.

- a Non utique vitam beatam volunt) quia hæc in solo Deo est, quem peccatores deserunt, in creaturis vitam beatam quidem quærentes, sed non nisi falsam & umbraticam beatitudinem reperientes.
- b Gaudium de veritate) de vero nempe bono, quod ita bonum est, ut nihil mali admixtum habeat, solumque sufficiat ad verum gaudium. Nulluna itaque gaudium de creatura potest esse vita beata, quia omne bonum finitum, alicujus imperfectionis permixtione laborat.
- c Cur non beati sunt?) quia diligunt vanitatem, & Psal. 4. quærunt mendacium. Cupiunt esse beati, habere omne bonum, & carere omni malo, sed hoc posse inveniri in creaturis, grande mendacium est. quod dum credunt, & rebus creatis inordinato amore illigantur, fiunt miseri, quia deserunt veritatem: nec moventur tenui illo lumine intellectus, ducente ad Deum, in quo est vera beatitudo.
- d Hoc quod amant, velint esse veritatem) ita luxuriosus voluptatem carnis vult esse verum gaudium, & quamvis sciat esse falsum, quod pravo affectu superatus vult esse verum, non vult tamen redargui, quod amet falsum bonum pro vero: quia scit turpem esse hunc errorem, ideoque de eo erubescit & infamari metuit, nec restringi inordinatas passiones suas patitur. Quæ sane causa est unica, ob quam veritas odium parit.

V S V S.

1. Ex hoc & præcedentibus capitibus, discimus beatitudinem in nulla creatura reperiiri posse, sed in solo Deo, ad quem perveniri non potest, nisi amore veritatis, non solum lucentis, verum & redarguentis, stimulantisque, ut falsa bona dispiceant intellectui, & affectui. Quod fiet, si mortificationis studio reprimamus indomitas passiones, ob quas aliud facimus, aliud faciendum judicamus.
2. Cum durante hac vita fomes peccati & æstus concupiscentiæ, prorsus tolli non possit, perfecte beatos in hac vita nos esse non posse, sed tum demum, cum in cælo nulla interpellante molestia, sola veritate gaudebimus.

C A P. XXIV.

*Inveniri Deum in memoria, quia invenitur
ibi veritas.*

1. Ecce quantum spatiatus sum in memoria mea, quarens te Domine, & non inveni extra eam! Neque enim aliquid de te inveni, quod non meminisse, ex quo didici te. Nam a ex quo didici te, non sum oblitus tui. Vbi enim inveni veritatem, ibi inveni Deum meum, b ipsam veritatem: quam, ex quo didici, non sum oblitus. Itaque ex quo didici te, manes in memoria mea, & illic te invenio, cum reminiscor tui, & delector in te. Haec sunt sanctæ deliciae meæ, quas donasti mihi misericordia tua, respiciens paupertatem meam.

N O T. AE.

a *Vbi enim inveni veritatem*) in naturalibus principiis resurgentem, qualia sunt: *Deum esse summum bonum, esse incorruptibilem, inviolabilem, immutabilem, meliorem omnibus rebus corruptibilibus, violabilibus, mutabilibus.* (*Ibi*) in memoria, cui haec semina divinæ cognitionis naturaliter insita sunt (*inveni Deum meum*) ex his principiis ejus naturaliter paulatim investigando.

b *Ipsam veritatem*) est Deus prima & summa veritas, tum quia divinus intellectus est mensura & causa omnis alterius esse, & omnis alterius intellectus, tum quia essentia divina est conformis intellectui divino. Est autem Deus veritas objectiva respectu intellectus nostri, & principia naturalia sunt veritates formales, sive cognitiones veritatis objectivæ.

V S V S.

Est Deus in memoria nostra ita insculptus per prin-

S.Th. I. p.
q. 16. a. 5.
c.

principia naturalia, ut nulla oblivione deleri possit. Ille castas delicias subministrat animæ, consideranti in illo esse omne bonum, & non esse ullum malum.

C A P. XXV.

Non inveniri Deum inter imagines rerum corporalium, nec affectuum, & prestatore ipso animo, sunt enim hæc omnia mutabilia.

I. **S**ed ubi manes in memoria mea, tu Domine? ubi illic manes? quale cubile fabricasti illic tibi? quale sanctuarium edificasti tibi? Tu dedisti hanc dignationem memorie meæ, ut maneas in ea; sed in qua ejas parte maneas, hoc considero. Transcendi enim partes ejus, quas habent & bestiæ, cum te recordarer; quia non ibi te inveniebam inter imagines rerum corporalium, & veni ad partes ejus, ubi commendavi affectiones animi mei, nec illic inveni te. Et intravi ad ipsius animi mei sedē, quæ illic est in memoria mea, quoniam sui quoque meminit animus, nec ibi tu eras. **Q**uiā sicut non es imago corporalis, nec affectio viventis, qualis est cum lætamur, contristamur, cupimus, metuimus, meminimus, oblisiscimur, & quicquid hujusmodi est: ita nec ipse animus es, quia Dominus Deus animi tu es. Et commutantur hæc omnia, tu autem incommutabilis manes super omnia; & dignatus es habitare in memoria mea, & ex quo te didici. Et quid quaro, quo loco ejus habites, quasi vero loca ibi sint? Habitæ certe in ea, quoniam tui

R 7 memini,

memini, ex quo te didici; & in ea te invenio, cum recordor te.

N O T A E.

a Ex quo te didici; discimus Deum natura magistra cum ad rationis usum pervenimus; sed ea notitia admodum obscura est. Accedit ergo Magisterium fidei Christianæ, unde clarius nobis innotescit summum illud bonum.

C A P. XXVI.

Deum inveniri in se supra nos, dum veritatem ejus consulimus, omnibus liquide respondentem.

i. Vbi ergo te inveni, ut discerem te? Neque enim jam eras in memoria mea, a priusquam te discerem. Vbi ergo inveni te, ut discerem te, b nisi in te supra me? Et c nusquam locus, & recedimus, & accedimus, & nusquam locus. d Vbique veritas praesides omnibus consulentibus te, similius e respondes omnibus, etiam diversa consulentibus. f Liquide tu respondes, sed non liquide omnes audiunt. Omnes, unde volunt, consulunt, sed g non semper, quod volunt, audiunt. Optimus minister tuus est, qui non magis intuetur hoc à te audire, quod ipse voluerit, sed potius hoc velle, quod à te audierit.

N O T A E.

a Priusquam te discerem) Non est Deus in mente & memoria nostra per notitiam claram, nisi fidei lumine illustremur. Sic S.D. non censuit se nosse Deum; nisi postquam fide magistra didicit, quis & qualis esset, ejusque cognitio ante informis

mis, & rudis, perficeretur lumine Catholicæ
veritatis.

- b *Nisi in te supra me*) id est, cognovi Deum me &
omnibus creaturis longe superiorem, in se solo
acquiescere, & seipso beatum esse.
- c *Nusquam locus*) qui Deum claudat; nulli palatio
aut sedi affixus est, ubique præsens, omnia im-
plens; & tamen accedimus ad illum per gratiam
& caritatem: recedimus per peccatum, non spa-
tiorum locorum, sed distantia bonitatis & ma-
litiae.
- d *Vbiq[ue] veritas præsidet*) ubique Deus audit preces
corum, qui ipsum consulunt pro veritate agno-
scenda, per desideria & orationes serias, ut fecit
Augustinus,
- e *Respondes omnibus*) per instinctus bonos & salu-
tares cogitationes: *bonum esse faciendum, malum fu-
giendum*, (*Etiam diversa consulentibus*) quia alius
aspirat ad divitias, alius ad honores, alius ad vo-
luptates, alius ad hæc omnia, aut pleraque: his
omnibus Deus respondet eadem, nempe *Vanitas
vanitatum, & omnia vanitas*.
- f *Li juide tu responde*) satis clare, quod testatur con-
scientia peccatis obmurmurans, (*sed non liquide
omnes audiunt*) tumultu passionum suarum impe-
diti.
- g *Non semper, quod volunt, audiunt*) quia pravis af-
fectibus impediti alia volunt, quam Deus præ-
cipit, & illos velle vult.

V S V S.

Ex his principiis illud emergit, ut qui serio ad De-
um converti vult cum S. Augustino, volunta-
tem suam divinæ conformet: magisque credat
decere servum velle, quod Domino placet, quam
ut Domino placeant, quæ servo placent, sic erit
optimus Dei minister.

C A P.

C A P. XXVII.

Se Deum sero amasse, quia ipsum non intus, sed foris in creaturis, longe ab ipso quæsivit.

i. a *S*ero te amavi pulchritudo tam antiqua, & tam nova, sero te amavi. Et ecce b intus eras, & ego foris, & ibi te quaerebam, & in ista formosa, quæ fecisti, deformis irrulebam. c Mecum eras, & tecum non eram. Ea me tenebant longe à te, quæ si in te non essent, non essent. Vocasti, & clamasti, & rupisti surditatem meam. Coruscasti, splenduisti, & fugasti cæcitatem meam. Fragrasti, & duxi spiritum, & anhelasti tibi. Gustavi; & esurio, & fitio. Tetigisti me, & exarsi in pacem tuam.

N O T. Æ.

- a *Sero te amavi*) post 12 annos, ex quo primum amorem Sapientiæ, ex lectione Hortensii concepit.
- b *Intus eras*) in animo meo, loquens mihi per lumen naturale, & principia Synteresis, item per sanctas inspirationes; (*& ego foris*) occupatus amore & delectatione sensibilium creaturatum.
- c *Mecum eras*) per præsentiam & bonas cogitationes (*tecum non eram*) per caritatem & gratiam.
- d *Vocasti me*) per occultos instinctus, per monita matris, sermones Ambrosii, consilia Simpliciani, exempla Victorini, Antonii, aliorumque servorum tuorum; (*Clamasti*) illustrationibus internis, voce externa: *Tolle lege &c.* (*& rupisti surditatem meam*) audivi & obedivi. V. ipsius conversionem supra.

V S V S.

V S V S.

Salutarem recordationem beneficij vocationis & conversionis S.D. proponit, quam utile erit saepius iterare, iis praesertim, quos Deusex gravibus peccatis eduxit.

C A P . XXVIII.

Quod Deo nondum totus inhæreat, inde se adhuc jactari temptationibus vita humana, inter gaudia & mœrores, inter metum adversitatis & desiderium prosperitatis.

1. **C**um inhæsero tibi ex omni me, omnino nusquam erit mihi dolor & labor: & viva erit vita mea, tota plena te. Nunc autem quoniam, *a* quem tu imples, sublevas eum: quoniam tui plenus non sum, oneri mihi sum. *b* Contendunt lētitiae meæ flenda cum lātandis mœroribus: & ex qua parte stet victoria, nescio. Hei mihi Domine, miserere mei. Contendunt mœrores mei mali cum gaudiis bonis: & ex qua parte stet victoria, nescio. Hei mihi Domine, miserere mei. Hei mihi: Ecce vulnera mea non abscondo. Medicus es, æger sum. Misericors es, miser sum. Nunquid non *tentatio* *Tob. 7, 14* est vita humana super terram?

2. **Q**uis velit molestias & difficultates? *c* Tolerare jubes eas, non amari. Nemo quod tolerat amat, etsi tolerare amat. Quamvis enim gaudeat se tolerare, mavult tamen non esse, quod toleret. Prospera in adversis desidero, adversa in prosperis timeo. **Q**uis inter hæc medius locus, ubi non fit

fit humanæ vitæ tentatio? Væ prosperitatibus seculi d' semel & iterum, à timore adversitatis, & à corruptione lētitiae! Væ adversitatibus seculi, semel & iterum, & tertio, à desiderio prosperitatis! Et quia ipsa adversitas dura est, & naufraga tolerantia, nunquid non tentatio est vita humana super terram, e sine ullo interstitio?

N O T A E.

- a *Quem tu imples) gratia, cognitione, & caritate tua, (sublevas eum) ad desideria & gaudia cælestia, ne corpus, quod corruptitur, aggravet animam, (quoniam tui plenus non sum) occupant enim magnam partem mei, vitiosi habitus & imperfectiones, ideo (oneri mihi sum) deorsum tendens perconcupiscentiam.*
- b *Contendunt lētiae meæ flenda) quibus lētatur & justus in qualibuscunque concupiscentiis suis, ob quas et si leves, flere potius deberet, (cum lantidis māroribus) quos affert & suadet spiritus compunctionis & mortificationis: in quibus et si tristetur caro, lētari debet animus ordinatus. (Contendunt mārores mei mali) de labore virtutis, & abnegationis (cum gaudiis bonis) de profectu in via Dei, & crucis. (Et ex qua parte stet victoria, nescio) nam quamvis homo studiose vigilet, subinde subrepit aut obrepit sensualitas, inordinatus sui, & hujus vitæ amor. Difficileque subinde est agnoscere, caro ne an Spiritus operetur, ita ut mens justi merito ambigat de Victoria.*
- c *Tolerari eas jubes, non amari) difficultates & miseriæ in se nihil habent cur amentur, quia repugnant naturæ, & privant aliquo bono. In quantum vero deserviunt consecutioni summi boni & æternæ beatitudinis, ut tormenta martyribus, amari possunt, velut media apta ad finem hunc obtainendum. Quia vero in ejusmodi mediis non amat eorum molestia, sed tolerantia, & ipse finis sive beatitudo, recte dicit S. D. eas tolerari, non amari. Quamvis enim justus gaudeat se tolerate dura in hac vita, magis tamen non esse quod*

quod toleret; quod erit in altera vita, *in quam V.l.3.c.1.*
nos oportet intrare per multas tribulationes. *not. 2.*

d) *Semel, & iterum, & tertio) S. D. triplex vae intentat à desiderio prosperitatis, & duplex solum à timore adversitatis, quia plus multo nocet prosperitas quam adversitas. Illa inducit oblivione sui, & Dei, contemptum virtutis, & licentiam omnium vitiorum: ista revocat hominem ad cor, incitat ad pœnitentiam, subtrahit materiam vitiis, & Deus pius ac misericors remittit in die tribulationis peccata. Hinc paucos inveneries probos in magna & continua prosperitate, plures in tribulatione.*

e) *Sine ullo intersticio, vix hora labitur, qua non tristitiam aut molestiam sentimus, tamenendo & patiente aliquid adversum corpori, animo, fortunæ, honori, vel desiderando aliquid prosperum, in his ipsis rebus.*

V S V S.

1. Apparet Paulum verissime dixisse: *Patientia vobis necessaria est, hæc procuranda in hac tentationum, ideoque & lachrymarum valle; sine hac miseri erimus.* Hebr. 10^a. 36.
2. Tedium hujus vitæ ex tot malis concipiendum est & desiderium æternæ patriæ, ad quam totis medullis aspirare, temptationum inevitabilis multitudo compellit.

C A P. XXIX.

In Dei misericordia spem reponens, ab eo petit continentiam.

1. **E**t tota spes mea, non nisi in magna valde misericordia tua, Domine Deus. Da quod jubes, & jube quod vis. a Imperas nobis continentiam. *Et cum scirem, ait Sap. 1.22.* quidam, quia nemo potest esse continens, nisi Deus det, & hoc ipsum erat sapientia, scire cuius esset hoc

hoc donum. Per continentiam quippe colligimur & b redigimur in unum, à quo in multa defluximus. Minus enim te amat, qui tecum aliquid amat, quod non propter te amat. O amor, qui semper ardes, & nunquam extingueris! Caritas Deus meus, accende me. Continentiam jubes: Da quod jubes, & jube quod vis.

N O T A E.

a *Imperas nobis continentiam*) non sumit hic continentiam pro castitate, per quam aliquis ab omni delectatione venerea abstinet, sed generalius pro ea virtute, per quam aliquis resistit quibusvis concupiscentiis pravis, quae in eo vehementes existunt, ut ait S. Thomas. Eodem modo loquitur Aristoteles de continentia. 7. Ethic. Quæ nondum est virtus perfecta, sed inchoatio quædam virtutum, ideoque maxime convenit incipientibus servire Deo: nam et si in illis ratio sit firmata contra passiones, ne ab eis supereretur: passionum tamen vehementia ac multitudo, ostendit illos ad perfectam virtutem nondum pervenisse; hæc enim appetitum sensitivum subdit rationi, & vehementiam concupiscentiæ refringit.

b *Redigimur in unum*) solius Dei amorem & obsequium, à quo peccatores & incontinentes disperguntur in multas creaturas, ut sæpe jam dictum est. Melius autem multo est, amare unum summum bonum, quam multa parva bona, & inordinato eorum amore amittere illud unum, quod necessarium est, ac solum sufficit.

V S V S.

Duo remedia ad superandas hujus vitæ tentationes suggerit S. D. I. Spem, sive fiduciam divinæ misericordiæ. II. Orationem, cuius formam ac summam optimam præscribit: *Da quod jubes, & jube quod vis;* et si enim peccare possimus ex nobis, Dei tamen præcepta implere non possumus sine Dei præcipientis gratia. Sicut oculos claudere possum cum volo, nisi autem licet apertis videre non possum, nisi lux affulgeat, & adjuvet, ut S. D. alibi docet.

C A P.

I. de gestis
Pelagii.

C A P. XXX.

Confitetur se turpibus imaginibus vigilantem quidem non moveri, dormientem tamen illudi, oratque ab hoc malo liberari.

1. Vbes certe, ut contineam à concupiscentia carnis, & concupiscentia oculorum, & ambitione seculi. Iussisti à concubitu, & de ipso conjugio melius aliquid, quam concessisti, monuisti. Et quoniam dedisti, factum est, & antequam dispensator Sacramenti tui fierem. Sed adhuc vivunt in memoria mea de qua multa locutus sum, talium rerū imagines, quas ibi consuetudo mea fixit: & occursant mihi vigilanti quidem carentes viribus, in somnis autem non solum usque ad delectationem, sed etiam usque ad confessionem factumque simillimum. Et tantum valet imaginis illusio in anima mea, & in carne mea, ut dormienti falsa visa persuadeant, quod vigilanti vera non possunt. Nunquid tunc ego non sum Domine Deus meus? Et tamen tantum interest inter meipsum & meipsum, intra momentum quo hinc ad soporem transeo, vel huc inde transeo.

2. Vbi est tunc ratio, qua vigilans animus talibus suggestionibus resistit, & si res ipsæ ingerantur, inconcussus manet? Nunquid clauditur cum oculis? Nunquid sopitur cum sensibus corporis? Et unde sape etiam in somnis resistimus, nostrique propositi memor, atque in oecastissime permanentes nul-

lum

Ium talibus illecebris adhibemus assensum?
Et tamen tantum interest, ut cum aliter accidit, evigilantes ad conscientiae requiem redeamus: ipsaque distantia reperiamus nos non fecisse, quod tamen in nobis quoquo modo factum esse doleamus. Nunquid non potens est manus tua Deus omnipotens, sanare omnes languores animae meae: atque abundantiore gratia tua, lascivos motus etiam mei soporis extinguere?

3. Augebis Domine magis magisque in me munera tua, ut anima mea sequatur me ad te, concupiscentiae visco expedita, ut non sit rebellis sibi; atque ut in somnis etiam non solum non perpetret istas corruptelarum turpitudines, per imagines animales usque ad carnis fluxum, sed ne consentiat quidem. Nam ut nihil tale vel tantillum libeat, quantum possit nutu cohiberi, etiam in casto dormientis affectu: non tantum in hac vita, sed etiam in hac aetate, non magnum est omnipotenti, qui vales facere su-

Ephes. 3, 20. pra quam petimus, & intelligimus. Nunc tamen, quid adhuc sim in hoc genere mali mei, dixi bono domino meo, exultans cum tremore in eo, quod donasti mihi: & lugens in eo, quod inconsuatus sum, sperans perfecturum te in me misericordias tuas, usque ad pacem plenariam; quam tecum habebunt interiora & exteriora mea, cum absorpta fuerit mors in uitioriam.

1. Cor. 13, 54.

V S V S.

1. S. Augustinus censuit castitatem conjugio meliorem, & de ipso conjugio inquit, melius aliquid, quam concessisti, monuisti, nimirum consilium castitatis

stitatis perpetuae inspirando, quod S. D. statim
à sua conversione amplexus est, & tum pres-
byter, tum Episcopus, sive Sacramenti divini
dispensator, castissime observavit, ita ut teste
Possidio, fæminarum intra domum suam nullam con-
versari sit passus, ne quidem germanam sororem, nec
parvui sui filias, nec unquam solus cum fæmina sine te-
stibus sermonem contulerit: admirando castitatis ex-
emplo, quo omnem prioris vitæ licentiam com-
pensavit. Viderint hæretici, qui castitatem abo-
minantur, & ministris quoque verbi divini con-
jugium præceptum volunt, utrum ipsi spiritum
Dei habeant, an potius S. Augustinus.

2. Admiranda est S. D. humilitas, qui id, quod
est maximæ verecundiæ, etsi nullius sit culpæ,
de se confiteri non dubitavit. Quem imitantur,
timorati, in confessione humiliter exponentes,
si quas illusiones nocturnas passi sunt, ut forte
si negligentius in ejiciendis iis fordibus, jam
expergefacti se gessissent, culpam illam ex-
piant.
3. Triplex hac in re documentum S. D. sugge-
rit. I. Ut evigilantes doleamus. II. Ut postquam
advertisimus nos in culpa non esse, mox ad con-
scientiæ quietem redeamus. III. Ut Deum pro
liberatione rogemus. Serviet hymnus ille: *Te
lucis ante terminum &c.* quem quotidie sub cu-
bitum recitare adversus hanc infirmitatem con-
sultum est.

C A P. XXXI.

*Alimenta sicut medicamenta sumenda; ma-
gnum illum esse, quisquis non rapitur
aliquantum extra metas necessitatis; se
talem non esse.*

- I. Et alia malitia diei, quæ utinam suf-
ficiat ei! Reficimus enim quoti-
dianas ruinas corporis edendo & biben-
do, priusquam escas & ventrem destruas:
cum

a cum occideris indigentiam meam satieta-
te mirifica , & corruptibile hoc indueris in-
corruptionem sempiterna. Nunc autem sua-
vis est mihi necessitas, & adversus istam sua-
vitatem pugno , ne capiar , & quotidianum
bellum gero jejuniis , s̄aepe in servitutem
redigens corpus meum , & dolores mei vo-
luptate pelluntur. Nam fames & sitis , qui-
dam dolores sunt. Vrunt , & sicut febris ne-
cant, nisi alimentorum medicina succurrat.
Quæ quoniam præsto est , ex consolatione
munerum tuorum , in quibus nostræ infir-
mitati terra, & aqua, & cœlum serviunt, ca-
lamitates delitiæ vocantur. Hoc me docui-
sti , ut quemadmodum medicamenta , sic
alimenta sumpturus accedam.

2. Sed dum ad quietem satietatis ex in-
digentiæ molestia transeo , in ipso transitu
mihi insidiatur laqueus concupiscentiæ. Ip-
se enim transitus , voluptas est : & non est
alius , qua transeat , quam qua transire
cogit necessitas. Et cum salus sit causa eden-
di ac bibendi, adjungit se tanquam pedisse-
qua , periculosa jucunditas : & plerumque
præire conatur , ut ejus causa fiat , quod sa-
luti causa me facere vel dico , vel volo. Nec
idem modus utriusque est. Nam b̄ quod sa-
luti satis est, delectationi parum est. Et s̄a-
pe incertum fit, utrum adhuc necessaria cor-
poris cura subsidium petat , an voluptuaria
cupiditatis fallacia ministerium suppetat.
Ad hoc incertum hilarescit infelix anima, &
in eo præparat excusationis patrocinium:
gaudens non apparere, quod satis sit mode-
rationi valetudinis , ut obtentu salutis, ob-
umbret negotium voluptatis.

3. His

3. His temptationibus quotidie conor resistere, & invoco dexteram tuam ad salutem meam, & ad te refero æstus meos: quia consilium mihi de hac re nondum stat. Audio vocem jubentis Dei mei: *Non graventur corda vestra, in crapula & ebrietate.* Ebrietas longe est à me, misereberis, ne appropinquet mihi. Crapula autem nonnunquam surrepit servo tuo, misereberis, ut longe fiat à me. *Nemo sap. 3, 21.* *enim potest esse continens, nisi tu des.* Multa nobis orantibus tribuis, & quicquid boni, antequam oremus, accipimus, à te accipimus & ut hoc postea cognosceremus, à te accipimus. Ebriosos à te sobrios factos, ego novi. Ergo à te factum est, ut hoc non essent, qui nunquam fuerunt: à quo etiam factum est, ut hoc non semper essent, qui fuerunt: quo etiam factum est, ut scirent utriusque, à quo factum est.

4. Audivi & aliam vocem tuam: *Post concupiscentias tuas non eas, & à voluntate tua averte-* *re.* *Audivi & illam ex munere tuo, quam multum amavi: Neque si manducaverimus, abundabimus: neque si non manducaverimus, deerit nobis.* Hoc est dicere: nec illa res me copiosum faciet, nec illa ærumnosum. Audivi & alteram: *Ego enim didici, in quibus sum, sufficiens esse;* & abundare novi, & penuriam pati novi. *Omnia possum in eo, qui me confortat.* Ecce miles castrorum cœlestium, non pulvis, quod nos sumus: sed memento Domine, quia pulvis sumus, & de pulvere fecisti hominem, & perierat, & inventus est. Nec ille in se potuit, quia itidem pulvis fuit, quem talia dicentem afflatu tuæ inspirationis adamavi. *Omnia possum, inquit, in eo, qui me confortat.* Conforta me,

S me,

410 S. AVR. AVGVST. CONFES.

me, ut possim. Da quod jubes, & jube quod vis. Iste se accepisse confitetur, & quod glo-

¹ Cor. 1, ^{31.} Eccl. 23, ^{6.} riatur, in Domino gloriatur. Audivi alium ro-

gantem ut accipiat: Aufer à me, inquit, con-
cupiscentias ventris. Vnde apparet sancte Deus

meus te dare, cum fit, quod imperas fieri.

¹ Tit. 1, 15. Docuisti me pater bone, omnia munda mundis.

Sed malum esse homini, qui per offenditionē

¹ Tim. 4, ^{4.} manducat; & omnem creaturam tuam bonam esse,
nihilque abiciendum, quod cum gratiarum actione

percipitur; & quia esca nos non commendat Deo, & ut

¹ Cor. 8, ^{8.} nemo nos judicet in cibo, aut in potu, & ut qui man-
ducat non manducantem non spernat, & qui non man-

^{16.} Col. 2, ^{16.} Rom. 14. ducat, manducantem non judicet. Didici hæc, gra-

tias tibi, laudes tibi Deo meo, magistro
meo, pulsatori aurium mearum, illustratori
cordis mei. Eripe me ab omni tentatione.

6. Non ægo immunditiam obsonii ti-

¹ Gen. 9, ^{2.} meo, sed immunditiam cupiditatis. Scio
³ Reg. 17, Noë omne carnis genus, quod cibo esset

^{6.} Matt. 3, ^{4.} usui, manducare permisum; Heliam cibo
carnis refectum; Ioannem mirabili absti-

nentia præditum, animalibus, hoc est, lo-
custis in escam cedentibus, non fuisse pol-

¹ Genes. 25, ^{34.} lutum. Et scio Esau lenticulæ concupiscen-
tia deceptum, & David propter aquæ desiderium,

² Reg. 23, ^{17.} à seipso reprehensum; & regem no-
strum non de carne, sed de pane esse tenta-

¹ Matt. 4, ^{3.} tum. Ideoque & populus in eremo, non
Num. 11, ^{20.} quia carnes desideravit, sed quia escæ desi-
derio adversus Dominum murmuravit, me-
ruit improbari. In his ergo temptationibus

positus, certo quotidie adversus concupi-
scientiam manducandi & bibendi. Non
enim est, quod semel præcidere, & ulterius
non attingere decernam, sicut de concubi-

tu

tu potui. Itaque fræni gutturis, temperata relaxatione & constrictione tenendi sunt. Et quis est Domine, qui non rapiatur aliquantulū extra metas necessitatis? Quisquis est, magnus est, magnificet nomen tuum. Ego autem non sum, quia peccator homo sum. Sed & ego magnifico nomen tuum, & ^{Rom. 8, 34.} interpellat te pro peccatis meis, qui vicit seculum, numerans me inter infirma membra corporis sui, quia & imperfectum meum viderunt oculi ^{Psal. 138, 16.} tui, & in libro tuo omnes scribentur.

N O T A E.

- a Cum occideris indigentiam) satiaveris appetitum meum immensa dulcedine tua, aut abstuleris in morte, omnem cibi ac potus necessitatem.
- b Quod saluti satis est, delectationi parum est) Ipsa hæc nos modum necessitatis sentire non sinit, & ipsum limitem procurande salutis (si qua ad sint delectabilia) rapiendo abscondit & transilicit: putantibus nobis satis non esse, quod satis est, dum libenter ejus provocationibus ducimur, existimantes nos adhuc agere negotium valedicinis, cum agamus potius voluptatis. Ita nescit cupiditas, ubi finiatur necessitas, ait alibi S. D. ^{I.4.con-}
- c Non ego immunditiam obsonii timeo) nullum enim tra obsonium per se immundum est, nec coninquit ^{Iul.c.14,} nat hominem nisi per legem justam vetetur; quo modo Deus prohibuit Adam & Evæ esum pomini, & Ecclesia carnes in quadragesima, aliisque quibusdam diebus.

V S V S.

- I. Magnum Sobrietatis & temperantiae stimulum S. D. subdit. I. Dum demonstrat alimenta esse medicamenra. Nullus æger, nisi insanit, plus de pharmacis sumit, quam sanitati conducit; neque nobis ergo plus de cibo & potu sumendum, quam necessitas postulat. II. Idem suadet S. Scriptura luculentis monitis, quæ juvabit expendere.

In vit.
c. 22.

- III. Invitat exemplo S. Pauli, imo & suo, domabat enim gulam jejuniis frequentibus, ut hic testatur. Mensa autem utebatur frugali & parca, quae inter olera & legumina, aliquando carnes propter hospites, vel quosque infirmiores continebat, uti refert Possid.
2. Difficillimum est mensuram necessitatis, in cibo & potu invenire ac tenere. S. D. etsi fateatur consilium sibi hac de re nondum stetisse, aliquam tamen ejus reperiendæ media suggesterit. I. Jejunium, & reliquam corporis mortificationem.
- II. Tentationum gulæ, cum ea appetitum allicit, quotidianam repressionem.
- III. Orationem, & divini auxilii ardentem implorationem. S. Ignatius in libello Exercitationum utiles aliquot regulas tradidit, ad Victum recte temperandum, & mensuram naturæ debitam inveniendam.
3. Gula non solum reprimenda est in cibis delicioribus, sed vilioribus quoque, quod S. D. eorum exemplis suadet, qui immoderato lenticulae, aut aquæ usu deliquerunt.

C A P. XXXII.

Illecebra odorum se non nimis tangi, sape tamen occultos affectus per experientiam manifestari.

- I. **D**E illecebra odorum, non satago nimis. Cum absunt, non requiro: cum adsunt, non respuo, paratus etiam eis semper carere. Ita mihi videor; forsitan fallor. Sunt enim & istæ plangendæ tenebræ, in quibus me latet facultas mea, quæ in me est: ut animus meus de viribus suis ipse se interrogans, non facile sibi credendum existimet: quia & quod nunc inest, plerunque occultum est, nisi experientia manifestetur. Et nemo securus esse debet in ista vita, quæ Iob. 1, 1. tota tentatio nominatur: utrum qui fieri potuit

tuit ex deteriore melior, non fiat etiam ex meliore deterior. Una spes, una fiducia, una firma promissio, misericordia tua.

V S V S.

Verissimum est, quod S. D. hic deplorat, neminem sibi facile credere debere, saepe enim latet occultum vitium, quod experientia manifestat. Multi se sobrios, patientes, humiles putant, qui, ubi occasio adest, intemperantissimi, furiosi, superbi deprehenduntur.

C A P. XXXIII.

Sacras melodias in Ecclesia potius approbadas quam improbandas, se tamen paenitenter peccare, quoties magis cantu movertur, quam re, que canitur.

1. **V**oluptates aurium tenacius me implicaverant, & subjugaverant; sed resolvisti, & liberasti me. Nunc in sonis, quos animant eloquia tua, cum suavi & artificiofa voce cantantur, fateor, aliquantulum acquiesco: non quidem ut hæream, sed ut surgam, cum volo. Attamen, cum ipsis sententiis, quibus vivunt, ut admittantur ad me, querunt in corde meo nonnullius dignitatis locum, & vix eis præbeo congruentem. Aliquando enim plus mihi video honoris eis tribuere quam decet, cum ipsis sanctis dictis, religiosius & ardentius sentio moviti animos nostros in flamمام pietatis, cum ita cantantur, quam si non ita cantarentur: & omnes affectus spiritus nostri, pro sui diversitate, habere proprios modos in voce atque cantu, quorum nescio qua occulta familiaritate excitentur.

S 3

2. Sed

2. Sed delectatio carnis meæ , cui men-
tem enervandam non oportet dari, sæpe me
fallit , dum rationem sensus non ita comi-
tatur , ut patienter sit posterior : sed tantum
quia propter illam meruit admitti , etiam
præcurrere ac ducere conatur. Ita in his pec-
co non sentiens, sed postea sentio. Aliquan-
do autem hanc ipsam fallaciam immodera-
tius cavens , erro nimia severitate , sed val-
de interdum ; ut melos omne cantilenarum
suavium, quibus Davidicum Psalterium fre-
quentatur, ab auribus meis removeri velim,
atque ipsius ecclesiæ. Tutiisque mihi vide-
tur, quod de Alexandrino Episcopo Athana-
sio, sæpe mihi dictum commemini, qui tam
modico flexu vocis , faciebat , sonare lecto-
rem Psalimi, ut pronuncianti vicinior esset,
quam canenti.

3. Veruntamen cum reminiscor lacry-
mas meas, quas fudi ad cantus ecclesiæ tux-
in primordiis recuperatæ fidei meæ , & nunc
ipso commoveor, non cantu, sed rebus quæ
cantantur (cum liquida voce & convenien-
tissima modulatione cantantur) magnam in-
stituti hujus utilitatem rursus agnoscō. Ita
fluctuo inter periculum voluptatis , & expe-
rimentum salubritatis, magisq; adducor, non
quidem irretractabilem sententiam pro-
ferens, cantandi consuetudinem approbare
in ecclesia : ut per oblectamenta aurium, infi-
mior animus in affectum pietatis assurgat.
Tamen , cum mihi accidit, ut me amplius
cantus quam res quæ canitur , moveat , pœ-
naliter me peccare confiteor ; & tunc mal-
lem non audire cantantem. Ecce ubi sum!
Flete tecum , & pro me flete , qui aliquid
boni

boni vobiscum intus agitis, unde facta procedunt. Nam qui non agitis, non vos hæc movent. Tu autem Domine Deus meus, respice, exaudi, & vide, & miserere, & saname: in cuius oculis mihi quæstio factus sum, & ipse est languor meus.

N O T Æ.

Apparet incredibilis puritas S. D. qua conscientiam ab omni etiam levi peccato, quale esse potest, delectari liberius cantu Ecclesiastico, mundum servare studuit. Quod ipsius exemplum movere saltem nos debet, ad cantus leviores ab Ecclesia arcendos, & omne petulantiae genus in templo vitandum.

C A P. XXXIV.

Se crebro implicari seductionibus oculorum, in luce Solis, & rebus pulchris ac artificiosis, cum ad pulchritudinem divinam unice sit aspirandum.

I. **R**estat voluptas oculorum carnis meæ, de qua loquor confessiones, quas audiant aures templi tui, aures fraternaliæ ac piæ, ut concludamus tentationes concupiscentiæ carnis: quæ me adhuc pulsant ingemiscentem, & habitaculum meum, quod de cœlo est, superindui cupientem. Pulchras formas & varias, nitidos & amoenos colores amant oculi. Non teneant hæc animam meam; teneat eam Deus, qui hæc fecit, bona quidem valde, sed ipse est bonum meum, non hæc. Et tangunt

Cor. 5.
2.

Gen. 13, 14.

S 4 me

476 S. AVR. AVGVS. CONFES.

me vigilantem totis diebus , nec requies ab eis datur mihi sicut datur à vocibus canoris aliquando ab omnibus in silentio. Ipsa enim regina colorum lux ista , perfundens cuncta quæ cernimus , ubi per diem fuero, multimodo allapsu blanditur mihi aliud agenti , & eam non advertenti. Insinuat autem se vehementer , ut si repente subtrahatur , cum desiderio requiratur : & a si diu absit , contristat animum. O lux , quam videbat Tobias , cum clausis oculis istis, filium docebat vitæ viam , & ei præbat

Tob. 4.
Gen. 27.
28. & 40.
Gen. 48.
13.

pede caritatis , nusquam errans ! Aut quam videbat Isaac , prægravatis & operatis senectute carneis luminibus , cum filios non agnoscendo benediceret , sed benedicendo agnoscere meruit ! Aut quam videbat Iacob , cum & ipse prægrandi aetate captus oculis , in filiis præsignata futuri populi genera , luminoso corde radiavit : & nepotibus suis ex Ioseph , b divexas mystice manus , non sicut pater eorum foris corrigerat , sed sicut ipse intus discernebat , impossuit. Ipsa est lux , una est , & alia non est , & unum omnes , qui vident & amant eam. At ista corporalis , de qua loquebar , illecebrosa ac periculosa dulcedine , condit vitam seculi cæcis amatoribus. Qui autem de ipsa laudare te norunt , Deus creator omnium , absumunt eam in hymno tuo , non assumentur ab ea , in somno suo. Sic esse cupio.

3. Resisto seductionibus oculorum , ne implicentur pedes mei , quibus ingredior viam tuam , & erigo ad te invisibiles oculos , ut tu evellas de laqueo pedes meos. Tu sub-

subinde evellis eos, nam illaqueantur. Tu non cessas evellere, ego autem crebro hæreo, ubique sparsis insidiis; quoniam non ^{Psal. 24.}
_{15.} dormies, neque dormitabis, qui custodis Israel. Quam innumerabilia variis artibus & opificiis, in vestibus, calceamentis, vasis, & hujusmodi fabricationibus, picturis etiam, diversisque figmentis: atque his usum necessarium atque moderatum, & piam significationem longe transgredientibus, addiderunt homines ad illecebras oculorum! c foras sequentes, quod faciunt; intus relinquentes, à quo facti sunt; & exterminantes, quod facti sunt.

4. At ego Deus meus & decus meum, etiam hinc tibi dico hymnum, & sacrifico laudem sanctificatori meo; quoniam pulchra trajecta per animas in manus artificias, ab illa pulchritudine veniunt, quæ super animas est, cui suspirat anima mea die ac nocte. Sed pulchritudinū exteriorum operatores, & sectatores inde trahunt approbandi modum, non autem inde trahunt utendi modum. Et ibi est, & non vident eum, ut ^{Psa. 58.}
_{10.} non eant longius, & fortitudinem suam ad te cu-
stodiant, nec eam spargant in delitiosas lassitudines. Ego autem hæc loquens atque discernens, etiam istis pulchris gressum inne-
cto. Sed tu evellis Domine, evellis tu, quoniam ^{Psal. 25. 3.} misericordia tua ante oculos meos est. Nam ego capior miserabiliter, & tu evellis misericorditer, aliquando non sentientem, quia suspensus incideram; aliquando cum dolore, quia jam inhæseram.

N O T A E.

- Tob. 5,
12.
- Gen. 48. b
- a *Et si diu absit, contristat animum) hinc cæci qui omni lucis usu carent, miseri judicantur, ipse que patientissimus Tobias, quale gaudium, inquit, mihi erit, qui in tenebris sedeo; & lumen cali non video?*
- b *Divexas mystice manus) Ioseph Iacob patri, filios benedicendos offerens, Manassen maiorem natu statuit ad dexteram patris, Ephraim minorem ad sinistram. Sed Iacob commutans manus decussatim, dextram posuit supra Ephraim, sinistram supra Manassen, et si renitente patre. Vedit nimirum Iacob lumine propheticō illustratus, Deum velle minorem majori præponere.*
- c *Foras sequentes, quod faciunt) dum delectantur opificiis & artificiis suis, intus relinquentes Deum, à quo facti sunt, & exterminantes in se imaginem illius, secundum quam facti sunt.*

V S V S.

1. *Insigne exemplum prælucet S. D. ad custodiā oculorum; nimirum pulchritudine Dei captus, pulchritudinem creaturarum non æstimat, nec sectatur.*
2. *Docet, quomodo à luce corporea assurgere debeamus ad lucem incorpoream, & longe majoris facere quam illam: item ex artificiis hominum, ascendere ad artificem ipsorum artificum Deum.*
3. *Monet ipsos artifices, ut non solum opera sua artificiose, prælucente divina Sapientia elaborent, verum & modum recte utendi arte sua, eadem Sapientia duce, addiscant.*

C A P.

C A P. XXXV.

Curiositatem nostram, quam per concupiscentiam oculorum intelligi putat, in multis minutissimis rebus, quotidie tentari & labi, & hinc orationes saepe interrumpi.

I. **H**Vc accedit alia forma temptationis multiplicius periculosa. Præter eam enim concupiscentiam carnis, quæ inest in delectatione omnium sensuum & voluptatum, cui servientes depereunt, qui longe se faciunt à te: inest animæ per eosdem sensus corporis quædam non se oblectandi in carne, sed & experiendi per carnem, vana & curiosa cupiditas, nomine cognitionis & scientiæ palliata. Quæ quoniam & in appetitu noscendi est, oculi autem sunt ad cognoscendum in sensibus principes, *concupiscentia oculorum eloquio divino appellata est.* Ad oculos enim proprie, videre ^{Ioam. 2,} pertinet. b Vtimur autem hoc verbo etiam in cæteris sensibus, cum eos ad cognoscendum intendimus. Neque enim dicimus, audi, quam rutilet, aut olfac, quam nitreat, aut gusta, quam splendeat, aut palpa, quam fulgeat. Videri enim dicuntur hæc omnia. Dicimus autem non solum, vide, quid luceat, quod soli oculi sentire possunt; sed vide etiam, quid sonet; vide, quid oleat; vide quid sapiat, vide, quam durum sit. Ideoque generalis experientia sensuum, concupiscentia (sicut dictum est) oculorum vocatur, quia videndi officium, in quo priuatum oculi tenent, etiam cæteri

S 6 sen-

sensus sibi de similitudine usurpant, cum aliquid cognitionis explorant.

2. Ex hoc autem evidentius discernitur, quid voluptatis, quid curiositatis agatur per sensus. Quod voluptas pulchra, canora, suavia, sapida, lenia secatur. *c* Curiositas autem etiam his contraria, tentandi causa: non ad subeundam molestiam, sed ad experiendi nōscendique libidinem. Quid enim voluptatis habet videre in laniato cadavere, quod exhorreas? & tamen sicubi jaceat, concurrunt, ut contrastentur, ut paleant. Timent etiam, ne in somnis hoc videant, quasi quisquam eos vigilantes videre coegerit, aut pulchritudinis ulla fama persuaserit. Ita & ceteris sensibus, quae persequi longum est. Ex hoc morbo cupiditatis, in spectaculis exhibentur quæque miracula. Hinc ad perscrutanda naturæ secreta, quæ præter nos est operata, proceditur: quæ scire nihil profest, & nihil aliud quam scire homines cupiunt. Hinc etiam, si quid eodem perversæ scientiæ fine, *d* per artes magicas quæritur. Hinc etiam in ipsa religione *e* Deus tentatur, cum signa & prodigia flagitantur, non ad aliquam salutem, sed ad solam experientiam desiderata.

3. In hac tam immensa Silva plena infidiarum & periculorum, ecce quam multa præciderim, & à meo corde dispulerim, sicuti donasti me facere Deus salutis meæ! Attamen quando audeo dicere, cum circumquaq; quotidianam vitam nostrā, tam multa hujus generis rerū circumstrepant: quando audeo dicere, nulla re tali me inten-
tum fieri ad spectandum, & vana cura ca-
pien-

piendum? Sane me jam theatra non rapiunt, nec curo nosse transitus siderum; nec anima mea unquam responsa quæsivit umbrarum; omnia sacrilega sacramenta detector. A te Domine Deus meus, cui humilem famulatum ac simplicem debedo, quantis mecum suggestionum machinacionibus agit inimicus, ut signum aliquod petam!

4. Sed obsecro te per Regem nostrum, & patriam Hierusalem, simplicem, castam, ut quemadmodum à me longe est ista confessio, ita sit semper longe atque longius. Pro salute autem cuiusquam cum te rogo, aliis multum differens finis est intentionis meæ: & te facientem quod vis, das mihi, & dabis libenter sequi. Veruntamen in quam multis minutissimis & contemptibilibus rebus, curiositas quotidie nostra tentatur, & quam sæpe labamur, quis enumerat? Quoties narrantes inania, primo quasi toleramus, ne offendamus infirmos, deinde paulatim libenter advertimus? Canem currentem post leporem jam non specto, cum in circo sit: at vero in agro si casu transeam, avertit me fortassis, & ab aliqua magna cogitatione, atque ad se convertit illa venatio: non deviare cogens corpore jumenti, sed cordis inclinatione. Et nisi jam mihi demonstrata infirmitate mea, cito admoneas, aut ex ipsa visione, per aliquam considerationem in te assurgere: aut totum contemnere, atque transfire, vanus hebesco.

5. Quid cum me domi sedentem stellio muscas captans, vel aranea retibus suis irruentes implicans, sæpe intentum facit? Num

quia parva sunt animalia, ideo non res eadem geritur? Pergo inde ad laudandum te creatorem mirificum, atque ordinatorem rerum omnium, sed non inde intentus esse incipio. f Aliud est cito surgere, aliud est non cadere. Et talibus vita mea plena est, & una spes mea in magna valde misericordia tua. Cum enim hujusmodi rerum conceptaculum fit cor nostrum, & portat copiosæ vanitatis catervas; hinc & orationes nostræ saepe interrumpuntur atque turbantur, & ante conspectum tuum, dum ad aures tuas vocem cordis intendimus, nescio unde irruentibus nugatoriis cogitationibus, res tanta praeciditur.

N O T Æ.

a Experiendi per carnem vana & curiosa cupiditas) Alii per concupiscentiam oculorum avaritiam intelligunt. S. D. curiositate inordinatum quascunque res cognoscendi desiderium designari existimat, non improbabiliter. Optime S. Thomas ait, intelligi tum Concupiscentiam inordinata cognitionis, tum ipsarum rerum, quæ exterius oculis proponuntur.

v. 2. q. 77.
a. 5.

b Vitimur hoc verbo etiam in ceteris sensib[us]) quia nempe, videre, generaliter sumptum idem est, quod cognoscere: omnis autem sensus est cognoscitivus, quam doctrinam alibi quoque S. D. tradit.

Serm. 33.
de verbis
Domini.
lib. 2. de
doct.
Christ. c.
22, & 23.
I, 3. disq.
magic. p. d
1. q. 8. &
1. 6. in an.
monit. 7.
V. S. Th.
22. q. 97. e

Curiositas autem etiam his contraria, &c.) clare explicat, quomodo differat concupiscentia carnis, complectens delectationes omnes sensuum, ab hac curiositate, quæ non solum pulchra & suavia, verum & deformia & acerba cognoscere appetit.

Per artes magicas) in has multi propter curiositatem incident, quod S. D. alibi quoque monet, & consentit Delrius, qui salutaria monita habet.

Deus tentatur) flagitare signa & prodigia ad explorandam divinam sapientiam, potentiam, bonitatem,

nitatem, est tentare Deum, & peccatum : quia impium est dubitare de his, quae ad divinam perfectionem pertinent. Rogare vero pro salute alterius divinitus restituenda, aut Dei gloria aliis manifestanda per aliquod prodigium, non est peccatum, idque sancti frequenter fecerunt. Ipse S. D. se Innocentio viro illustri, à quo post Baptismum Carthaginem reversus hospitio suscepimus est, precibus ad Deum fuis una cum sociis, sanitatem impetrasse affirmat.

f Aliud est cito surgere, aliud non cadere) cum quis lib. 22 de sua culpa, per curiositatem distrahitur, reus est, civ. c. 3. et si diu non haereat, non enim ideo non cecidit, quia cito surrexit.

V S V S .

1. Discamus S. D. Magistro, Curiositatis pericula & laqueos agnoscere ac vitare.
2. Si orationem ab alienis cogitationibus quietam desideramus, concupiscentiam oculorum refrinemus ; effusio in exteriora, rerumque vanarum notitia, sunt distractionum nostrarum feminæ.

C A P . XXXVI .

Dum necessarium est amari & timeri ab hominibus, facile persuadet superbia, ut velimus amari & timeri non propter Deum, sed pro Deo, quo vituperante laus nulla prodest.

I. **N**unquid etiam hoc inter contemnenda deputabam, aut aliquid nos reducit in spem, nisi tota misericordia tua, quoniam cœpisti mutare nos? Et tu scis, quanta ex parte mutaveris, qui me primitus sanas a libidine vindicandi me, ut propitius fias etiam cæteris omnibus iniquitatibus meis, & sanes omnes languores meos, & redimas de

Psal. 102, de corruptione vitam meam, & corones me in
3. miseratione & misericordia, & saties in bonis de-
siderium meum: quia compressisti à timore
tuo superbiam meam, & mansuefecisti jugo
tuo cervicem meam. Et nunc porto illud,
& leve est mihi; quoniam sic promisisti, &
fecisti, & vere sic erat, & nesciebam, quan-
do id subire metuebam.

2. Sed nunquid Domine, qui solus sine
typho dominaris, quia solus verus dominus
es, qui non habes dominum, nunquid hoc
quoque tertium temptationis genus cessavit à
me, aut cessare in hac tota vita potest time-
ri & amari velle ab hominibus, non propter
aliud, sed ut inde sit gaudium, quod non est
gaudium? Misera vita est, & fœda jactan-
tia. Hinc fit, vel maxime non amare te, nec
caste timere te. Ideoque *tu superbis resistis, hu-*
milibus autem das gratiam, & intonas super am-
bitiones seculi, & contremiscunt funda-
menta montium. Itaque nobis, quoniam
propter quædam humanæ societatis officia,
necessarium est amari ab hominibus, instat
adversarius veræ beatitudinis nostræ, ubi-
que spargens in laqueis, euge, euge: ut dum
avide colligimus, incaute capiamur, & à ve-
ritate tua gaudium nostrum deponamus, at-
que in hominum fallacia ponamus: libeat-
que nos amari & timeri, non propter te, sed
pro te; atque isto modo sui similes factos
secum habeat, non ad concordiam carita-
tis, sed ad confortium supplicii, qui statuit
sedem suam b ponere in aquilone, ut te perversa
& distorta via imitantes, tenebroſi frigidive
servirent.

Ezai. 14,

13.

3. Nos autem Domine, pusillus grex tuus
ecce

ecce sumus, tu nos posside. Prætende alas tuas, & fugiamus sub eas. Gloria nostra tu esto, propter te amemur, & verbum tuum timeatur in nobis. Qui laudari vult ab hominibus vituperante te, non defendetur ab hominibus judicante te, nec eripietur dannante te. Cum autem non peccator laudatur, in desideriis animæ suæ, nec qui iniqua gerit, benedicitur: sed laudatur homo propter aliquod bonum, quod dedisti ei: at ille plus gaudet sibi laudari se, quā ipsum donū habere, unde laudatur: etiam iste, te vituperante laudatur. Et melior jam ille, qui laudavit; quam iste, qui laudatus est. Illi enim placuit in homine donum Dei, huic amplius placuit donum hominis, quam Dei.

N O T A E.

- a *A libidine vindicandi me*) æquissimo animo S. D. injurias tolerasse scribit Lancillotus. Argumento I. 3. vit. c. est, quod pro Donatistis, qui necem ipsi mortali erant, intercessit apud Proconsulem Donatum. *Et loquere, & senti*, ait, *quidquid libet de Augustino, sola me in oculis Dei, conscientia non accuset: non sane æstimans illas injurias. Vnde Deus propitius factus est omnibus iniquitatibus ejus, nam qui dimittit debitoribus suis, ei dimittuntur debita omnia.*
- b *Ponere in Aquilone*) Aquilo ventus septentrionalis frigidus & siccus, pro ipso septentrione ponitur, ubi meræ tenebræ & frigus; unde ad significandum regnum tenebrarum transfertur, ejusque Principem Diabolum, cui superbi in cæcitate mentis, sine calore caritatis miserabiliter serviunt.

V S V S.

- I. Necessaria sunt, iis qui Ecclesiæ & Reipublicæ præsunt, timor, amor, honor, laus: absque his enim contemnuntur, nec subditos recte moderari possunt. Hoc ergo laborent, ne *Euge illud honoris,*

- honoris*, ipsos in vanam complacentiam præcipit, similesque fiant regi filiorum superbie.
2. Qui laudes affectat humanas, conscient se Deo non placere, meminerit illius quod S. D. sugerit, se ejusmodi laudibus non defensum iri in iudicio, nec liberandum à damnatione.
 3. Dona Dei per complacentiam & acceptationem humanæ laudis, vertuntur in damnum nostrum, unde apparet, quantum cavendum sit ab hac peste.

C A P. XXXVII.

Cum non liceat mala agere, ut laudari non possimus, se hoc solum confiteri posse, quod delectetur laudibus, sed plus veritate, quam laudibus.

1. **T**entamus his temptationibus quotidie Domine, sine cœlatione tentamus. Quotidiana fornax nostra, est humana lingua. Imperas nobis & in hoc genere continentiam: Da quod jubes, & jube quod vis. Tu nosti de hac re ad te gemitum cordis mei, & flumina oculorum meorum. Neque enim facile colligo, quam sim ab ista peste mundatior, & multum timeo occulta mea, quæ norunt oculi tui, mei autem non. Est enim qualiscunque in aliis generibus temptationum mihi facultas explorandi me, in hoc pene nulla est. Nam & à voluptatibus carnis, & à curiositate supervacanea cognoscendi, video quantum affecutus sim, posse refrænare animum meum, cum eis rebus careo, vel voluntate, cum adsunt; vel necessitate, cum desunt. Tunc enim me interrogo, quam magis minusve mihi molestum sit non habere? Divitiæ vero, quæ ob hoc exceptun-

petuntur, ut alicui istarum trium cupiditatum, vel duabus earum, vel omnibus servant; si persentiscere non potest animus, utrum eas habens conteinnat, possunt & dimitti, ut se probet.

5. Laude vero ut careamus, atque in eo expetiamur, quid possumus; nunquid male vivendum est, & tam perdite atque immaniter, ut nemo nos noverit, qui non detestetur? Quæ major dementia dici, aut cogitari potest? At si bona vita bonorumque operum comes & solet & debet esse laudatio, tamen comitatum ejus, quam ipsam bonam vitam deseriri non oportet. Non autem sentio, sine quo esse, aut a quo animo, aut ægre possum, nisi cum abfuerit. Quid igitur tibi in hoc genere temptationis Domine confiteor? Quid? nisi delectari me laudibus; sed amplius ipsa veritate, quam laudibus. Nam si mihi proponatur, utrum malim furens, aut in omnibus rebus errans, ab omnibus hominibus laudari; an constans & in veritate certissimus, ab omnibus vituperari? video quid eligam.

3. Veruntamen nolle, ut vel augeret mihi gaudium cuiuslibet boni mei, suffragatio oris alieni. Sed auget fateor, non solum, sed & vituperatio minuit. Et cum ista miseria mea perturbor, subintrat mihi excusatio, quæ qualis sit, tu scis Deus, nam me incertum facit. Quia enim nobis imperasti non tantum continentiam, id est, à quibus rebus amorem cohibeamus, verum etiam justitiam, id est, quo eum conferamus: nec te tantum voluisti à nobis, verum etiam proximum diligi, sape mihi video de profectu

ctu aut spe proximi delectari , cum bene intelligentis laude delector : & rursus ejus malo contristari , cum eum audio vituperare , quod aut ignorat, aut bonum est. Nam & contristor aliquando laudibus meis, cum vel ea laudantur in me, in quibus mihi ipse displiceo : vel etiam bona minora & levia pluris aestimantur, quam aestimanda sint.

4. Sed rursus unde scio , an propterea sic afficio, quia nolo de meipso à me dissentire laudatorem meum ; non quia illius utilitate moveor, sed quia eadem bona, quæ mihi in me placent, jucundiora mihi sunt, cum & alteri placent? Quidammodo enim non ego laudor, cum de me sententia mea nō laudatur ; quandoquidem aut illa laudantur, quæ mihi displaceant : aut illa amplius, quæ mihi minus placent. Ergone de hoc incertus sum mei ? Ecce in te veritas video , non me laudibus meis propter me , sed propter proximi utilitatem moveri oportere. Et utrum ita sit, nescio. Minus mihi in hac re notus sum ipse, quam tibi.

5. Obsecro te Deus meus , & meipsum mihi indica , ut confitear oraturis pro me fratribus meis quod in me saucium competero. Iterum me diligentius interrogem : Si utilitate proximi moveor in laudibus meis, cur minus moveor , si quisquam aliis inuste vituperetur, quam si ego ? Cur ea contumelia magis mordeor, quæ in me , quam quæ in alium eadem iniuitate coram me jacitur ? An & ego hoc nescio ? Etiam ne id restat, ut ipse me seducam, & verum non faciam coram te in corde & lingua mea ? Insaniam istam Domine longe fac à me , ne
eleum

oleum peccatoris mihi sit os meum, ad impinguandum Psal. 140.
caput meum. Egenus & pauper ego sum; & melior ^{5.} Psal. 108.
in occulto gemitu displicens mihi, & quæ-
rens misericordiam tuam, donec reficiatur
defectus meus, & perficiatur usque in pa-
cem, quam nescit arrogantis oculus.

V S V S.

1. Quotidiana & nunquam interrupta superbiae infestatio ad ingens humilitatis desiderium ac studium nos movere debet, tanto magis, quanto certius scimus, nos non posse intrare in regnum cœlorum, nisi efficiamur ut parvuli.
2. Non est fugienda laus, faciendo vituperio digna, sed cum S. Augustino conandum est. I. Ut plus delectemur veritate quam laudibus, facturi laude digna, et si nemo nos laudaret. II. Cum perturbamur defectu laudis, aut titillamur ejus suffragio, pro viribus ejusmodi Vanitas reprehenda est. III. Eo eniti debemus, ut ob solam Dei gloriam delectemur, laudibus tum propriis, tum alienis. Gravis hæc & difficilis est pugna, sed si perseveremus orando & pugnando, vincemus cum S. Augustino, qui in suis libris nihil magis docet, quam humilitatem, Doctor tanto major, quanto humilior.

C A P. XXXVIII.

In iis, quæ coram aliis fiunt, etiam in ipso contemptu laudis, esse periculum vanæ gloriae.

- I. **S**erino autem ore procedens, & facta quæ innotescunt hominibus, habent tentationem periculosissimam ab amore laudis, qui ad privatam quandam excellentiā contrahit, & emendicata suffragia tentat; & cum à me in me arguitur, eo ipso quoq; ḡtur. Et sâpe homo de ipso vanæ glo-

gloriæ contemptu vanius gloriatur: ideoque, non jam de ipso vanæ gloriæ contemptu gloriatur. Non enim eam contemnit, cum gloriatur intus.

V S V S.

Ingens hoc ipsum humilitatis incitamentum est, se tam miserum agnoscere, ut contemptum laudis in superbiam, id est, pharacum in venenum vertat, nisi cœlestis medicus tumorem nostrum sanet.

C A P. XXXIX.

Timere se id quoque temptationis genus, quo aliqui placent sibi de se, nec placere affectant cœteris, sed invident.

1. **E**tiam intus est aliud in eodem genere temptationis malum, quo inane- scunt, qui placent sibi de se, quainvis aliis vel placeant, vel displiceant, nec placere affectant cœteris. Sed sibi placentes, multum tibi displicant, non tantum de non bonis quasi bonis, verū etiam de bonis tuis, quasi suis: aut etiam sicut de tuis, sed tanquam ex meritis suis: aut etiam sicut ex tua gratia, sed non secundum sua merita, non tamen socialiter gaudentes, sed aliis invidentes eam. In his omnibus atque hujuscemodi periculis & laboribus, vides tremorem cor- dis mei: sed & vulnera mea magis subinde à te sanari, quam mihi non infligi sentio.

V S V S.

Remedia adversus tam multiplices superbie tenta- tiones passim in libris spiritualibus ad manum sunt. Præ reliquis egregie de humilitate scriptit
Jacobus

Jacobus Alvarez tractatu absolutissimo, ubi omnes Superbiæ fraudes ejusque remedia aperit, multaque egregia ex S. D. nostro accumulat. Cum quo vigilandum est in assiduo cordis tremore, & gratiæ Deo agendæ, qui vulnera superbarum cogitationum, quæ nobis non sentientibus sæpe subrepunt, sanat bonis inspirationibus: ostendens nobis occultis modis vanitatem nostram, & veritatem suam.

C A P. XL.

Se Deo ducente ac docente perlustrasse omnia, extra & intra se, & horum nihil esse Deum; in eo se, cum potest, delectari, & subinde in affectum iuvosatum intromitti.

I. **V**bi non mēcum ambulasti veritas, docens quid caveam, & quid appetam, cum ad te referrem inferiora visa mea, quæ potui, teque consulerem? Lustravi mundum foris sensu, quo potui: & attendi vitam corporis mei de me, sensusque ipsos meos. Inde ingressus sum in recessus memoriae mēæ multiplices amplitudines, plenas miris modiscopiarum innumerabilium, & consideravi, & expavi, & nihil eorum discernere potui sine te, & nihil eorum esse te inveni. Nec ego ipse inventor, qui pergravi omnia, & distinguere & pro suis quæque dignitatibus æstimare conatus sum, excipiens alia nunciantibus sensibus, & interrogans, alia mecum commixta sentiens, ipsosque nuncios dinoscens atque dinumerans, jamque in memoria elatis opibus alia pertractans, alia recondens, alia eruens.

2. Nec

2. Nec ego ipse, cum hæc agerem, id est, vis mea, qua id agebam, nec ipsa eras tu, quia lux es tu permanens, quam de omnibus consulebam, an essent, quid essent, quanti pendenda essent? Et audiebam docentem ac jubentem, & saepe istud facio. Hoc me delectat, & ab omnibus actionibus necessitatis, quantum relaxari possum, ad istam voluptatem refugio. Neque in his omnibus, quæ percurro consulens te, inveni totum locum animæ meæ, nisi in te, quo colligantur sparsa mea, nec à te quicquam recedat ex me. Et aliquando intromittis me in affectum multum inusitatum introrsus, ad nescio quam dulcedinem, quæ si perficiatur in me, nescio quid erit, quod vita ista non erit. Sed recido in hæc ærumnosis ponderibus, & resorbeor solitis, & teneor, & multum fleo, sed multum teneor. Tantum conuentudinis farcina digna est: Hic esse valeo, nec volo: illic volo, nec valeo, miser utroque.

V S V S.

1. Omnem veritatis, virtutum, vitiorum cognitionem S. D. in meditatione adeptus est: ibi Deum consuluit, an, quid, & quanti pendenda sint omnes creaturæ? inde lux divina affulxit, monstravitque facienda & omittenda. Imitemur S. D. certi nos parum in Spiritu profecturos, nisi multum res divinas meditemur. S. D. fatetur se omne tempus à necessariis occupationibus vacuum, deliciis contemplationis ac meditationis impendisse. Impendamus nos tantum, quantum officii ac instituti ratio postulat.
2. Largitur Deus electis suis in meditatione non raro quendam prægustum, & veluti promulgatæm æternæ beatitudinis, ut exclamare cogantur: Quam magna multitudo dulcedinis tuæ Domine? sed

sed bene S. Bernardus, *in his parva morula*, redire coguntur ad solita vitæ munia, deprimente necessitate & consuetudine, quod hic deplorat S. D.

C A P. XLI.

Confessum se languores suos, Deumque invocasse, quem amiserat, quia volebat eum possidere cum mendacio.

I. Deoque consideravi languores peccatorum meorum, *a* in cupiditate tripli: & dexteram tuam invocavi, ad salutem meam. Vidi enim splendorem tuum corde saucio, & repercuflus dixi: *Quis illuc potest? Projectus sum à facie oculorum tuorum.* Tu ^{Psal. 30,} es veritas super omnia præsidens. At ego ^{23.} per avaritiam meam *b* non amittere te volui, sed volui tecum possidere mendacium; sicut nemo vult ita falsum dicere, ut nesciat ipse, quid verum sit. Itaque amisi te, quia non dignaris cum mendacio possideri.

N O T. Æ.

^a *In cupiditate triplici:* carnis, oculorum, superbiæ, de qua S. Ioan. cuius impulsu homo peccat, ^{1. Ioan. 2,} dum triplex bonum inordinate appetit. I. *Quod* re ipsa in ipso recipitur, ut voluptas cibi, potus, Veneris. II. *Quod* per inanes tantum species seu apprehensionem, & curiositate ac varietate delectat. III. *Quod* totum extra ipsum est, ut honor, laus, gloria. I. *Est concupiscentia carnis.* II. *Concupiscentia oculorum.* III. *Superbia vitæ.*

^b *Non amittere te volui:* Nemo quantumvis impius Deum vult amittere, quem novit esse summum bonum. Quod omnes necessario appetunt, et si media difficultia ad illud assequendum necessaria, multi repudient.

T V S V S.

V S V S.

1. Mirabilis fuit S. D. conversio, qui ex gravissimis vitiis luxuriæ, superbiæ, vanitatis, ita integræ emersit, ut non nisi pauculæ & vix culpabiles imperfectiones in ipso permanserint. Vbi nos hæremus? Sequamur, aut saltem sequi defideremus. Augustinus castus, humilis, seculi contemptore esse cœpit, & constanter permanxit. Inspice & fac secundum exemplar conversionis ejus, qui peccasti secundum exemplum illius.
2. Non dignatur Deus cum mendacio possideri; hoc totum impedimentum conversionis & profectus nostri est, quia volumus in Deo & simul in creaturis delectari, & mentimur nobis ipsis, id posse fieri.

C A P. XLII.

*Quosdam quæsivisse reconciliationem cum
Deo per Angelos, & illusos à Damone,
qui est mediator fallax.*

1. **Q**uem invenirem, qui me reconciliaret tibi? An obeundum mihi fuit ad angelos? qua prece? quibus sacramentis? Multi conantes ad te redire, neque per se ipsos valentes, sicut audio, tentaverunt hæc: & inciderunt in desiderium curiosarum visionum, & digni habiti sunt illusionibus. Elati enim te quærebant doctrinæ fastu, exerentes potius quam tundentes pectora: & adduxerunt sibi per similitudinem cordis Ephe^s.2. sui, conspirantes & socias superbiæ suæ potestates aëris hujus, quibus per potentias magicas deciperentur, quærentes mediatorem, per quem purgarentur, & non erat. Diabolus enim erat, transfigurans se in angelum lucis.

2. Et

2. Et multum illexit superbam carnem,
quod carneo corpore ipse non esset. Erant
enim illi mortales & peccatores: Tu autem
Domine, cui reconciliari superbe quære-
bant, immortalis & sine peccato. *Mediator* ^{1 Tim. 5:}
autem inter Deum & homines, oportebat ut ha-
beret aliquid simile Deo, aliquid simile ho-
minibus; ne in utroque hominibus similis,
longe esset à Deo: aut in utroque Deo simi-
lis, longe esset ab hominibus, atque ita me-
diator non esset. Fallax itaque ille media-
tor, quo per secreta judicia tua, superbia
meretur illudi, unum cum hominibus ha-
bet, id est peccatum; aliud videri vult ha-
bere cum Deo, ut quia carnis mortalitate
non tegitur, pro immortali se ostentet. Sed ^{Rom. 6:23.}
quia stipendium peccati mors est, hoc habet com-
mune cum hominibus, unde simul damne-
tur in mortem.

N O T A E.

a Multi conantes redire ad te, &c.) videtur signifi-
care aliquos superbis & curiositate seductos,
dum divinas visiones & revelationes quærunt,
incidisse in Diabolicas illusiones, deceptos à Dæ-
mone transfigurante se in Angelum lucis.

b *Mediator* ^{autem} &c.) Dæmon cum Deo com-
munem ostentat immortalitatem, sed cum ho-
minibus simile nihil habet nisi peccatum, & pec-
cati supplicium. Quare non potest esse verus
mediator, nec expiare peccatum, cum sit ipse
peccator.

C A P. XLIII.

*Verax mediator Christus est , in illo se ja-
ctasse curam suam , cum meditaretur so-
litudinem , & considerasse sanguinem ejus ,
preium suum .*

1. **V**erax autem mediator , quem secre-
ta tua misericordia demonstrasti hu-
milibus , & misisti , ut ejus exemplo etiam
ipsam discerent humilitatem , mediator ille
Dei & hominum , homo Christus Iesus ,
inter mortales peccatores & immortalem
justum apparuit , mortalis cum hominibus ,
justus cum Deo . Ut quoniam stipendum
justitiae , vita & pax est , per justitiam con-
junctam Deo , evacuaret mortem justifica-
torum impiorum , quam cum illis voluit ha-
bere communem . Hic demonstratus est an-
tiquis sanctis , ut ita ipsi per fidem futuræ
passionis ejus , sicut nos per fidem præterita ,
salvi fierent . In quantum enim homo , in
tantum mediator , in quantum autem Ver-
bum , non medius quia æqualis Deo : & Deus
apud Deum , simul cum Spiritu sancto unus
Deus .

2. **Q**uomodo nos amasti pater bone ,
qui filio tuo unico non pepercisti , sed pro nobis
impiis tradidisti eum ! **Q**uomodo nos amasti ?
pro quibus ille , qui non rapinam arbitratus est
esse æqualis tibi , factus est subditus usque ad mor-
tem , mortem autem crucis , unus ille in mortuis
liber , potestatem habens ponendi animam suam ,
& potestatem habens iterum sumendi eam ; pro no-
bis tibi victor & victima , & ideo victor ,
quia

Rom. 8,
32.

Phil. 2, 6.

Psal. 87, 6.

Ioan. 10,
48.

quia victima ; pro nobis tibi sacerdos & sacrificium , & ideo sacerdos , quia sacrificium ; faciens tibi nos de servis filios , de te nascendo , nobis serviendo. Merito mihi spes valida in illo est , quod *sanabis* ^{Psal. 103.}
omnes languores meos per eum , qui sedet ad dexteram tuam , & *te interpellat pro nobis* , alioquin desperarem . Multi enim & magni ^{Rom. 8.}
^{34.} sunt iidem languores mei ; multi sunt & magni , sed amplior est medicina tua. Potuimus putare Verbum tuum remotum esse à coniunctione hominis , & desperare de nobis : nisi caro fieret , & habitaret in nobis.

3. Conterritus peccatis meis & mole miseriæ meæ , agitaveram in corde , meditatusque fueram fugam in solitudinem. Sed prohibuisti mihi , & confirmasti me , dicens : *ideo pro omnibus Christus mortuus est , ut qui vivunt , jam non sibi vivant , sed ei , qui pro ipsis mortuus est.* Ecce Domine jacto in te curam meam , ut vivam , & considerabo mirabilia de ^{Psal. 118.} lege tua. Tu scis imperitiam meam , & infirmitatem meam , doce me , & sana me. Ille tuus unicus : *in quo sunt omnes thesauri sapientiae absconditi* , redemit me sanguine suo. Non calumnientur mihi superbi : quo- ^{Pal. 11. 8.} niam cogito . precium meum , & manduco , & bibo , & erogo : & pauper cupio saturari ex eo , inter illos , qui *edunt & satiaturantur , & laudabunt Dominum , qui requirunt eum.*

N O T A E.

1. *In quantum enim homo, in tantum mediator*) sic enim medius est inter Deum & hominem, similis Deo per divinitatem & justitiam, similis nobis per humanam naturam.
 Psal. 37.8. 2. *Inter mortuos liber*) aliis enim hominibus impo-
 sita est necessitas moriendi, Christus libere il-
 Ioan. 10. lam subiit, habens potestatem ponendi animam suam
 in cruce, & iterum sumendi in resurrectione.
 3. *Ideo Victor, quia victima*) ideo enim vicit Di-
 bolum, quia in ara crucis cruentum sacrificium
 pro nobis obtulit.
 4. *Ideo Sacerdos, quia sacrificium*) nullum enim
 aliud sacrificium obtulit, aut instituit præter
 seipsum; nec ad aliud à Deo patre constitutus
 est Sacerdos in æternum secundum ordinem
 Melchisedech, quam ut pro nobis offerret seip-
 sum, & daret animam suam redemptionem pro
 multis.
 5. *De te nascendo, nobis serviendo*) ex altero enim ut
 Deus, potuit afferre condignum pretium redem-
 ptionis, ex isto ut homo, potuit peragere opus
 redemptionis nostræ.
 5. *Cogito pretium meum*) sanguinem Christi, (&
 manduco, & bibo) in Missæ sacrificio (& ergo) dis-
 tribuens Eucharistiam communicantibus.

V S V S.

1. *Etsi peccatorum magnitudo incitaret ad gran-*
dem pœnitentiam & vitam solitariam S. Augu-
stinum, vocavit tamen illum Deus ad regimen
animatorum, ut innumeratas ex luto hærefis & sce-
lerum extraheret, in quo ipse hæserat. Paruit
ille, & maluit Christo vivere, ac minister re-
demptionis ejus effici, quam vivere sibi soli. Quia
in re illustre exemplum dedit, etiam in vita
communi & officiis Ecclesiasticis, prioris vitæ
delicta, caritate Dei ac proximi posse expiati.
 2. *Videtur vero S. D. ad perfectionem, quam in*
illo veneratur orbis, triplici maxime medio per-
vénisse, ut hic insinuat. I. Iactando omnem
curam ac fiduciam in Deo, & meritis Christi.
II. Considerando mirabilia de lege divina per
fre.

frequentem meditationem. III. Crebra & haud dubie quotidiana Sacrificii Missæ celebratione , in quo pretium suum manducabat , & bibebat ipse , & aliis saepe erogabat. Ex hoc triplici fonte manavit ingens Mortificationis studium , quo triplicem concupiscentiam edomuit , illustrique exemplo ad sui imitationem omnes confessionum suarum lectores invitavit. Ut qui imitamur peccantem, imitemur & pœnitentem, toto corde ad Deum se convertentem.

Soli Deo Gloria.



T 4 I N-